

摘藻堂四庫全書薈要

經部

欽定四庫全書薈要

經部

左傳注疏卷十八

詳校官原任侍講臣王燕緒



欽定四庫全書薈要卷一千一百三十四

經部

春秋左傳注疏卷十八

起文公五年  
盡十年

晉杜氏注 唐陸德明音義 孔穎達疏

經五年春王正月王使榮叔歸含且賵注珠玉曰含含

賵車馬曰賵音義

含本亦作哈戶暗反說文作疏正  
哈云送終口中玉賵芳鳳反義

曰公羊傳曰其言歸含且賵何兼之兼之非禮也賈服  
云含賵當異人今一人兼兩使故書且以譏之衆禮雜  
記諸侯相弔之禮含襚賵臨同日而畢與介代有事焉  
不言遣異使也諸侯相於則唯遣一使而責天子於諸  
侯必當異人禮何所出而非責王也春秋之世風教陵  
遲吉凶賀弔罕能如禮王之崩葬魯多不行魯之有喪

寧能盡至全無所譏不含又無貶責既含且賵便責兼之不可是禮備不如不備行禮不如不行豈有如此之理哉左傳舉來含且賵會葬二事乃云禮也則二事俱是得禮無譏兼之之意也言且者見有二禮而已宰咺言來歸此不言來者穀梁傳曰其不言來者不周事之用也賵以早而含以晚其意以為含者所以實口當及未殯而至以其至晚故不言來以責王也按雜記含者執璧將命坐委于殯東南有葦席既葬蒲席然則含襚者所以助喪盡恩示其有禮而已既葬猶尚致之不必以濟其用天子之與鄰國莫不道路長遠赴者猶尚不責其未殯而來此是理之不通也且來者自外之文非是褒貶之意九年秦人來歸僖公成風之襚襚本是歛之所用彼最晚矣何以復言來乎言來與不言來史異文耳宰咺秦人歸之既晚故舉其所為之人此夫人新薨言歸含賵為夫人可知故不言歸夫人含賵也何休膏肓以為禮尊不含卑又不兼二禮左氏以為禮於

義為短鄭康成歲云禮天子於二王後之喪含為先襚次之賵次之賻次之於諸侯含之賵之小君亦如之於諸侯臣襚之諸侯相於如天子於二王後於卿大夫如天子於諸侯於士如天子於諸侯臣何休云尊不含卑是違禮非經意其一人兼歸二禮亦是為識如康成言尊不含卑禮無其事康成以為識一人兼二事者非左氏意也注正義曰周禮玉府大喪共含玉穀梁傳曰貝玉曰含士喪禮含用米貝莊子說發冢之事云徐徐破其頰無傷口中珠是含有用珠者也故云珠玉曰含何休云天子以珠周禮大喪共玉不共珠也莊子所言發冢未必發天子冢也雜記云諸侯相含以璧未知何人用珠耳公羊傳曰含者何口實也孝子不忍虛其親之口故以米貝珠玉實之謂之飯含檀弓曰飯用米貝弗忍虛也不以食道用美焉爾士喪禮用生稻米是不以食道也車馬曰賵公羊傳文

三月辛亥葬我小君成風注無傳反哭成喪故曰葬我

小君王使召伯來會葬注召伯天子卿也召采地伯爵

也來不及葬不譏者不失五月之內音義

召上照反

夏公孫敖如晉注無傳

秦人入郿注入例在十五年音義

郿音若

秋楚人滅六注六國今廬江六縣音義

廬力居反

冬十月甲申許男業卒注無傳與僖公六同盟疏

正義曰業

以僖五年即位其年盟于首止八年于洮九年于葵丘十五年于牡丘二十一年于薄二十七年于宋魯許俱

在是六  
同盟也

傳五年春王使榮叔來含且賵名昭公來會葬禮也

注成風莊公之妾天子以夫人禮賵之明母以子貴

故曰禮疏

正義曰傳舉二事以一禮結之則含賵會葬皆得禮也釋例稱賵賵賵含揔謂之贈

言以夫人禮贈之指為賵含也

○初郟叛楚即秦又貳於楚夏秦人

入郟○六人叛楚即東夷秋楚成大心仲歸帥師滅

六注仲歸子家○冬楚子燮滅蓼注蓼國今安豐蓼

縣音義

燮息例反蓼音了字或作鄆音同

臧文仲聞六與蓼滅曰皐

陶庭堅不祀忽諸德之不建民之無援哀哉注蓼與

六皆臯陶後也傷二國之君不能建德結援大國忽

然而亡音義

陶音遙

○晉陽處父聘于衛反過甯甯羸

從之注甯晉邑汲郡脩武縣也羸逆旅大夫音義

羸音

盈

疏

正義曰晉語說此事云舍於逆旅甯羸氏注國語者賈逵孔晁皆以甯羸為掌逆旅之大夫故

杜亦同之劉炫以甯羸直是逆旅之主非大夫今刪

定知不然者若是逆旅之主則身為匹庶是卑賤之

人猶如重館人告文仲重丘人罵孫蒯止應稱人而

已何得名氏見傳杜以傳載名氏故為逆旅大夫劉

炫以為客舍主人而規杜氏非也

及溫而還其妻問之羸曰以剛商



書曰沈漸剛克高明柔克注沈漸猶滯溺也高明猶

亢爽也言各當以剛柔勝己本性乃能成全也此在

洪範今謂之周書音義

漸似庶反注同滯溺一本作滯弱亢苦浪反

疏正義

曰此傳引周書是洪範之三德也彼說人之三德乃以此言覆之孔安國以此二句為天地之德故注云

沈漸謂地雖柔亦有剛能出金石高明謂天言天為剛德亦有柔克不干四時杜以傳證人性即以人事

解之沈漸謂人性之沈滯懦弱也高明謂人性之高亢明爽也滯溺者當以剛勝其本性亢爽者當以柔

勝其本性必自屈矯已乃能成全不然則沈漸失於弱高明失於剛不能保其身也此文在洪範今謂之

周書箕子商人所說故傳謂之周書夫子壹之其不沒乎注陽于性純

剛天為剛德猶不干時注寒暑相順况在人乎且華

而不實怨之所聚也注言過其行音義

行下孟反

犯而聚

怨不可以定身注剛則犯人余懼不獲其利而離其

難是以去之注為六年晉殺處父傳音義

難乃旦反

晉趙

成子欒貞子霍伯曰季皆卒注成子趙衰新上軍帥

中軍佐也貞子欒枝下軍帥也霍伯先且居中軍帥

也曰季胥臣下軍佐也為六年蒐于夷傳音義

帥所類反

下同蒐疏

正義曰城濮之戰先軫卻縠將中軍孤毛所求反正孤偃將上軍欒枝胥臣將下軍晉語云孤

毛卒先且居將上軍清原之蒐三軍如故趙衰箕鄭將新上軍胥嬰先都將新下軍箕之役先軫死先且居將中軍不知誰代且居將上軍也此言趙衰新上軍帥中軍佐并舉二官二年彭衙之役云先且居將中軍趙衰佐之注云代卻縠是趙衰新上軍帥中軍佐也

# 經六年春葬許僖公注無傳

夏季孫行父如陳注行父季友孫

秋季孫行父如晉八月乙亥晉侯驩卒注再同盟音義

驩喚疏正義曰二年及晉處父盟三官反疏年公及晉侯盟是再同盟也

冬十月公子遂如晉葬晉襄公注卿共葬事文襄之制

也三月而葬速音義

恭共音

疏正義曰昭三十年傳曰先王

夫送葬昭三年傳曰昔文襄之霸也其務不煩諸侯君薨大夫弔卿共葬事是也

晉殺其大夫陽處父注處父侵官宜為國討故不言賈

季殺晉狐射姑出奔狄注射姑狐偃子賈季也奔例在

宣十年音義

射音亦一音夜

閏月不告月猶朝于廟注諸侯每月必告朔聽政因朝

宗廟文公以閏非常月故闕不告朔怠慢政事雖朝于

廟則如勿朝故曰猶猶者可止之辭音義

不告月月或作朔誤也不

告朔本或疏正義曰周禮大史頒告朔于邦國鄭玄云作告月天子頒朔于諸侯諸侯藏之祖廟至朔朝

于廟告而受行之論語云子貢欲去告朔之餼羊是用特羊告于廟謂之告朔人君即以此日聽視此朔之政

謂之視朔十六年公四不視朔僖五年傳曰公既視朔是也視朔者聽治此月之政亦謂之聽朔玉藻云天子

聽朔於南門之外是也其日又以禮祭於宗廟謂之朝廟周禮謂之朝享司尊彝云追享朝享是也其歲首為

之則謂之朝正襄二十九年正月公在楚傳曰釋不朝正于廟是也告朔視朔聽朔朝廟朝享朝正二禮各有

三名同日而為之也文公以閏非常月故闕不告朔告朔之禮大朝廟之禮小文公怠慢政事既不告朔雖朝

于廟則如勿朝故書猶朝于廟言猶以譏之必於月朔為此告朔聽朔之禮者釋例曰人君者設官分職以為

民極遠細事以全委任之責從諸下以盡知力之用總成敗以效能否執八柄以明誅賞故自非機事皆委心

馬誠信足以相感。事實盡而不擁。故受位居職者。思効忠善。日夜自進而無所顧忌也。天下之細事。無數一日。二日。萬端。人君之明。有所不照。人君之力。有所不堪。則不得不借問近習。有時而用之。如此則六鄉六遂之長。雖躬履此事。躬造此官。當皆移聽於內官。迴心於左右。政之批亂。恒必由此。聖人知其不可。故簡其節敬其事。因月朔朝。遷坐正位。會群吏而聽大政。考其所行而決其煩疑。非徒議將然也。乃所以考已然。又惡其密聽之亂公也。故顯衆以斷之。是以上下交泰。官人以理。萬民以察。天下以治也。文公謂閏非常月。緣以闕禮傳。因所闕而明言典制。雖朝于廟。則如勿朝。故經稱猶朝于廟也。經稱告月傳言告朔。明告月必以朔也。每月之朔。必朝於廟。因聽政。事事敬而禮成。故告以特羊。然則朝廟。朝正告朔。視朔皆同日之事。所從言之異耳。是言聽朔。朝廟之義也。玉藻說天子之禮云。聽朔於南門之外。諸侯皮弁聽朔於大廟。鄭玄以為明堂在國之陽。南門之外。諸

外謂明堂也諸侯告朔以特羊則天子以特牛與天子  
用特牛告其帝及其神配以文王武王諸侯用特羊告  
太祖而已杜以明堂與祖廟為一但明堂是祭天之處  
天子告朔雖杜之義亦應告人帝朝享即月祭是也祭  
法云王立七廟曰考廟王考廟皇考廟顯考廟祖考廟  
皆月祭之二祧享嘗乃止諸侯立五廟曰考廟王考廟  
皇考廟皆月祭之顯考廟祖考廟享嘗乃止然則天子  
告朔於明堂朝享於五廟諸侯告朔於太廟朝享自皇  
考以下三廟耳皆先告朔後朝廟廟朝廟小於告朔文公  
廢其大而行其小故云猶朝于廟公羊傳曰猶者可止  
之辭也天子立冕以視朔皮弁以日視朝諸侯皮弁以  
聽朔朝服以日視朝其閏月則聽朔於明堂闔門左扉  
立於其中聽政於路寢門  
終月故於文王在門為閏

傳六年春晉蒐于夷舍二軍注僖三十一年晉蒐清

原作五軍今舍二軍復三軍之制夷晉地前年四卿

卒故蒐以謀軍帥音義

舍音捨注同帥所類反下同

疏

正義曰清原之蒐五

軍十卿有先軫卻溱先且居狐偃欒枝胥臣趙衰箕  
鄭胥嬰先都箕之役先軫死往歲趙衰欒枝先且居  
胥臣卒八年傳說此蒐之事云晉侯將登鄭父先都  
則卻溱狐偃胥嬰亦先卒矣清原十卿唯有箕鄭先  
都在耳故蒐以謀軍帥服虔云使射姑代先且居趙  
盾代趙衰也箕鄭將上軍林父佐也先蔑將下軍先  
都佐也改蒐于董趙盾將中軍使狐射姑將中軍注代  
軍射姑奔狄先克代佐中軍

先且居音義

將子匠反

趙盾佐之注代趙衰也盾趙衰子

音義

盾徒本反

陽處父至自溫注往年聘衛過溫今始至



音義

過古禾反

改蒐于董易中軍注易以趙盾為帥射姑

佐之河東汾陰縣有董亭陽子成季之屬也注處父

嘗為趙衰屬大夫疏

正義曰僖三十一年清原之蒐衰始為卿三十三年處父已專

帥侵蔡則處父之屬成子未有多年益情素相親而黨於趙氏耳非專以嘗為其屬也

故黨於

趙氏且謂趙盾能曰使能國之利也是以上之宣子

於是乎始為國政注宣趙盾謚制事典注典常也正

法罪注輕重當音義

當丁浪反

辟刑獄注辟猶理也音義

辟婢亦反後同者更不音

董逋逃注董督也音義

通補吾反

由質要注

由用也質要券契也治舊洿注治理洿穢音義

洿音鳥本

又作汙同本秩禮注貴賤不失其本續常職注脩廢官出

滯淹注拔賢能也既成以授大傅陽子與大師賈佗

使行諸晉國以為常法注賈佗以公族從文公而不

在五人之數音義

大音泰下同佗徒何反從才用反

疏

正義曰制事

百事使有常也正法罪者準所犯輕重豫為之法使在後依用之也辟獄刑者有事在官未決斷者令於令理治之也董逋逃者舊有逋逃負罪播越者督察追捕之也由質要者謂斷爭財之獄用券契正定之也治舊洿者國之舊政洿穢不絜理治改正之也本秩禮者時有僭踰貴賤相濫本其次秩使如舊也續

常職者職有廢闕任賢使能令績故常也出滯淹者  
賢能之人沈滯田里拔出而官爵之也此謂所為制  
作法式者豫為將來使索而遵行臨時決斷者將為  
故事使後人放習故得行諸晉國以為常法也注辟  
猶理也正義曰辟訓為法依法斷決是理治之也此  
與上句所以為異者正法罪謂準狀制罪為將來之  
法若今之造律令也辟獄刑謂有獄未決斷當時之  
罪若昭十四年韓宣子命斷舊獄之類是也注董督  
也正義曰釋詁云董督正也俱訓為正是董得為督  
謂督察之也注由用也質要券契正義曰周禮小宰  
以官府之八成經邦治四曰聽稱責以傳別六曰聽  
取予以書契七曰聽賣買以質劑鄭眾云稱責謂貸  
予也傳別謂券書也聽訟責者以券書決之傳傳著  
約束於文書也別別為兩兩家各得一也鄭玄云傳  
別謂為大手書於一札中字別之書契謂出予受入  
之凡要也質劑謂兩書一札同而別之長曰質短曰

劉傳別質劑皆今之券書也事異其名耳如彼禮文  
知質要是契券也注治理洿穢正義曰洿者穢之別  
名不絜之稱也法有不便於民事有不剝於國是為  
政之洿穢也注治理改正使絜清也注賈佗至之數正  
義曰晉語宋公孫固云晉公子長事賈佗又曰賈佗  
公族也而多識以共敬公子居則下之動則咨焉是  
以公族從文公也注尚書周營大師大傅大保天子三  
公也宣十六年傳晉侯請于王命士會將中軍且為  
大傅則大傅尊於中軍之將與大師皆為孤卿也周  
禮上公之國有孤一人王制諸侯三卿晉侯爵也而  
有三軍六卿復有孤一人者晉為霸主多置羣官共  
時所須不能如禮孤尊於卿法由在上故宣子法成  
授二孤注○臧文仲以陳衛之睦也欲求好於陳夏季

文子聘于陳且娶焉注臣非君命不越竟故因聘而

自為娶音義

好呼報反娶七佳反竟音境為于偽反

○秦伯任好卒注

任好秦穆公名音義

任音壬

以子車氏之三子奄息仲

行鍼虎為殉注子車秦大夫氏也以人從葬為殉音

義

車音居仲本亦作中音仲行戶郎反鍼其廉反殉似俊反殺人從死曰殉字林弋絹反

皆秦

之良也國人哀之為之賦黃鳥注黃鳥詩秦風義取

黃鳥止于棘桑往來得其所傷三良不然音義

為于偽反

下注為立聲教為作善言同

君子曰秦穆之不為盟主也宜哉死

而棄民先王違世猶詒之法而况奪之善人乎詩曰

人之云亡邦國殄瘁注詩大雅言善人亡則國瘁病

音義

詒以之反瘁似醉反

無善人之謂若之何奪之古之王者

知命之不長疏

正義曰知命之不長知其必將有死不得長生久視故制法度以遺後人

非獨為當己之世設善法也並建聖哲以下即位便為之非臨死始為此也下云衆隸賴之而後即命言其施行此事功成乃就死耳非謂設此法以擬死也是以竝建聖哲注建立聖

知以司牧民音義

王如字一音于疏正義曰此說王况反聖知音智正者之事或封為

諸侯或置之羣官聖指是人之雋者故總言之耳

樹之風聲注因土地風俗

為立聲教之法疏

正義曰漢書地理志云凡民性有剛柔緩急聲音不同繫水土之風

氣故謂之風好惡取舍動靜無常隨君上之情欲故謂之俗王制云廣谷大川異制民生其間者異俗器械異制衣服異宜脩其教不易其俗齊其政不易其宜故聖王為教因其土地風俗為立善聲教也聲教人之所立故言樹之今杜云因土地風俗為立聲教之法如杜此言惟樹以聲而傳云樹之風聲而風亦樹者其實風俗亦是人君教化故孝經云移風易俗孔注尚書云立其善風揚其善聲是也

分之

采物注旌旗衣服各有分制音義

分扶問疏正義曰采物謂

采章物色旌旗衣服尊卑不同名位高下各有品制天子所有分而與之故云分之定四年傳稱分魯公

以大路大旂著之話言注話善也為作善言遺戒音之類皆是也

義

話戶疏正義曰著之話言為作善言快反疏遺戒著於竹帛故言著之也

為之律度注

鍾律度量所以治歷明時音義

亮音

疏

正義曰周語云先王之制

鍾也律度量衡於是乎生小大器用於是乎出又曰古之神瞽考中聲而量之以制度律均鍾百官軌儀其意言度律之聲以為鍾之均於鍾律取法為度量衡也故漢書律歷志云推歷生律莫不用焉度量衡皆出於黃鍾之律也度者分寸尺丈引所以度長短也本起於黃鍾之長以子穀秬黍之中者一黍之廣度之九十黃鍾之長一黍為一分十分為寸十寸為尺十尺為丈十丈為引而五度審矣量者龠合升斗斛所以量多少也本起於黃鍾之龠以子穀秬黍中者千有二百實其龠合龠為合十合為升十升為斗十斗為斛而五量嘉矣權者銖兩斤鈞石所以稱輕重也本起黃鍾之重一龠容千二百黍重十二銖兩之為兩十六兩為斤三十斤為鈞四鈞為石而五衡謹矣權衡一物衡平也權重也稱上謂之衡稱鍾謂



之權所從言之異耳其鍾者亦起於律故服虔云鳧氏為鍾各自計律倍而半之黃鍾之管長九寸則黃鍾之鍾長二尺二寸半餘鍾亦各自計律倍而半之度量衡其本俱出於律傳言律度注言度量其言不及衡者文雖不足理實兼之易革卦象云君子以治歷明時此律度量衡皆推歷為之為此法以教天下使之明

四時也 **陳之藝極注** 藝準也極中也貢獻多少之法

傳曰貢之無藝又曰貢獻無極疏

正義曰藝是準限極是中正制貢賦

多少之法立其準限中正使不多不少陳之以示民故言陳之所引傳曰及又曰皆昭十三年子產辭也

**引之表儀注** 引道也表儀猶威儀音義

道音導疏正義下同

曰引謂在前故為道也表章儀飾故猶威儀也威儀禮則王者制之以道民言引之道之不用重文故異

也予之法制告之訓典正義曰注訓典先王之書疏

正義曰訓典先

王之書教訓之典取其言以語之故言告之法制謂王者身自制作己之所有故言予之

教之防

利注防惡興利疏

正義曰防者防使勿然故為防惡利者務生此利故為興利傳言防

利於文不足互見以曉人

也此最為急故特言教之委之常秩注委任也常秩

官司之常職疏

正義曰設官分職當委任責成故言委之常秩謂職掌位次故為官司之

常職道之以禮則使毋失其土宜衆隸賴之而後即命

注即就也聖王同之令縱無法以遺後嗣而又收其

良以死難以在上矣君子是以知秦之不復東征也

注不能復征討東方諸侯為霸主音義

遺唯李反復扶又反注同

○秋季文子將聘於晉使求遭喪之禮以行注季文

子季孫行父也聞晉侯疾故疏

正義曰劉炫以為聘使之法自須造遭喪

之禮以行防其未然也非是聞晉侯有疾今知不然者依聘禮出使唯以幣物而行無別齎遭喪之禮若主國有凶則臨時辦備今文子聘晉特求遭喪之禮出聘之後晉侯遂卒考其情事有異尋常聞晉侯之疾何為不可劉炫以不聞晉侯之疾而規杜氏恐非其義也

其人曰將焉用之注

其人從者音義

焉於虔反從才用反

文子曰備豫不虞古之善

教也求而無之實難注難卒得音義

卒寸反

過求何害

注所謂文子三思音義

三思暫反

○八月乙亥晉襄公卒

靈公少晉人以難故欲立長君注立少君恐有難音

義

少詩照反注同難乃旦反注及下皆同長丁丈反下皆同

趙孟曰立公子雍注

趙孟趙盾也公子雍文公子襄公庶弟杜祁之子好

善而長先君愛之且近於秦秦舊好也置善則固事

長則順立愛則孝結舊則安為難故欲立長君有

此四德者難必抒矣注抒除也音義

好呼報反下皆同近附近之近

抒直吕反疏正義曰字有聲相近而為訓者鬼之為又時吕反言歸也春之為言蠢也其類多矣抒聲

近除故為除也服虔作紓紓緩也

賈季曰不如立公子樂注樂文公

子音義

樂音岳一音洛

辰羸嬖於二君注辰羸懷羸也二君

懷公文公也音義

嬖必計反

立其子民必安之趙孟曰辰

羸賤班在九人注班位也其子何震之有注震威也

且為二嬖淫也為先君子不能求大而出在小國辟

也母淫子辟無威陳小而遠無援將何安焉杜祁以

君故讓偁姑而上之注杜祁杜伯之後祁姓也偁姑

姑姓之女生襄公為世子故杜祁讓使在己上音義

辟匹亦反又作辟下同祁巨之反疏正義曰譜以偏  
偏彼力反姑其吉反又其乙反為國名地關不

知所以狄故讓季隗而已次之故班在四注以季隗

是文公託狄時妻故復讓之然則杜祁本班在二音

義

隗五罪反復扶又反下將復怨同

先君是以愛其子而仕諸秦為

亞卿焉注亞次也言其賢故位尊音義

亞於嫁反

秦大而

近足以為援母義子愛足以威民立之不亦可乎使

先蔑士會如秦逆公子雍注先蔑士伯也士會隨季

也賈季亦使召公子樂于陳趙孟使殺諸郕注郕晉

地音義

郭婢支反

○賈季怨陽子之易其班也注本中軍

帥易以為佐音義

帥所類反下命帥同

而知其無援於晉也注

少族多怨九月賈季使續鞫居殺陽處父注鞫居狐

氏之族書曰晉殺其大夫侵官也注君已命帥處父

易之故曰侵官○冬十月襄仲如晉葬襄公○十一

月丙寅晉殺續簡伯注簡伯續鞫居十一月無丙寅

丙寅十二月八日也日月必有誤賈季奔狄宣子使

史駢送其帑注帑妻子也宣子以賈季中軍之佐同

官故音義

史羊朱反駢蒲賢反又蒲丁反帑音奴

疏

正義曰詩云樂爾妻帑文已有妻故

毛傳以帑為子此傳無妻故杜并妻言之帑者細弱之號妻子俱得稱之傳稱以害鳥帑鳥尾猶尚稱帑

况妻子也說文云帑金幣所藏

字書帑從子經傳妻帑亦從巾

夷之蒐賈季戮史駢

史駢之人欲盡殺賈氏以報焉史駢曰不可吾聞前

志有之曰敵惠敵怨不在後嗣忠之道也注敵猶對

也若及子孫則為非對非對則為遷怒音義

盡津忍反疏

正義曰敵惠謂有惠於彼不可望彼人之子報敵怨謂有怨於彼不可讎彼人之子父祖受人之惠子孫自可不忘要有恩於其父祖不可求報於彼子孫子孫或有不知乃是更復長怨故惠怨皆不在後是為



忠恕之道也

夫子禮於賈季我以其寵報私怨無乃不可

乎注言已蒙宣子寵任介人之寵非勇也注介因也

音義

介音界

損怨益仇非知也注殺季家欲以除怨宣

子將復怨已是益仇音義

知音智

以私害公非忠也釋

此三者何以事夫子盡具其帑與其器用財賄親帥

扞之送致諸竟注扞衛也音義

扞戶旦反竟音境

○閏月不

告朔非禮也注經稱告月傳稱告朔明告月必以朔

閏以正時注四時漸差則致閏以正之時以作事注

順時命事事以厚生注事不失時則年豐生民之道

於是乎在矣不告閏朔棄時政也何以為民音義

為民

如字治也或音于偽反非也

經七年春公伐邾

三月甲戌取須句注須句魯之封內屬國也僖公反其

君之後邾復滅之書取易也例在襄十三年音義

須句其俱

反復扶又反易以鼓反

遂城邾注無傳因伐邾師以城邾邾魯邑

卞縣南有邾城備邾難音義

邾音吾難乃旦反

夏四月宋公王臣卒注二年與魯大夫盟於垂隴音義

王如字又往方反

疏

正義曰王臣以僖二十四年即位與僖盟于踐土翟泉今唯言垂隴據與文同盟言

之杜注或兼取前世或正取時君不為例也

宋人殺其大夫注宋人攻昭公并殺二大夫故以非罪

書

戊子晉人及秦人戰于令狐注趙盾廢嫡而外求君故

貶稱人晉諱背先蔑而夜薄秦師以戰告音義

令力呈反嫡本

又作適丁歷反背音佩

晉先蔑奔秦注不言出在外奔

狄侵我西鄙

秋八月公會諸侯晉大夫盟于扈注扈鄭地滎陽卷縣

西北有扈亭不分別書會人總言諸侯晉大夫盟者公

後會而及其盟音義

扈音戶卷音權又且權反別彼列反

冬徐伐莒注不書將帥徐夷告辭略音義

將子匠反帥所類反

孫敖如莒涖盟音義

涖音利又音類

傳七年春公伐邾間晉難也注公因霸國有難而侵

小音義

間間廁之間或如字難乃旦反注同

○三月甲戌取須句寘文

公子焉非禮也注邾文公子叛在魯故公使為守須

句大夫也絕大皞之祀以與鄰國叛臣故曰非禮音

義

寘之豉反下同大音泰皞戶老反

○夏四月宋成公卒於是公子

成為右師注莊公子公孫友為左師注目夷子樂豫

為司馬注戴公立孫鱗矐為司徒注桓公孫音義

矐古

亂疏

正義曰世本戴公生樂甫術術生碩甫澤澤生反季甫甫生子僕伊與樂豫是也世本又云桓公

生公子鱗鱗生

東鄉矐是也公子蕩為司城注桓公子也以武公

名廢司空為司城華御事為司寇注華元父也傳言

六卿皆公族昭公不親信之所以致亂音義

御魚呂反本又

作禦音同

昭公將去羣公子樂豫曰不可公族公室之枝

葉也若去之則本根無所庇廕矣葛藟猶能庇其本

根注葛之能藟蔓繁滋者以本枝廕庇之多音義

去起

呂反下及注同庇必利反又悲位反下同廕本又作蔭於鳩反藟本或作藟力軌反蔓音萬麻許求反又

作庇藟類龜反

故君子以為比注謂詩人取以喻九族兄弟

音義

比必爾反

疏

正義曰此引葛藟王風葛藟之篇也彼毛傳以之為興此云君子以為比者但

比之隱者謂之興興之顯者謂之比比比之與興深淺為異耳此傳近取庇根理淺故以為比毛意遠取河潤義深故以為興由

況國君乎此諺所謂庇焉而縱尋

斧焉者也注縱放也必不可君其圖之親之以德皆股肱也誰敢攜貳若之何去之不聽穆襄之族率國人以攻公注穆公襄公之子孫昭公所欲去者殺公孫固公

孫鄭于公宮注二子在公宮故為亂兵所殺疏

正義曰經書宋

人殺其大夫傳言不稱名非其罪則此二子名氏當見於經亦卿官也僖二十二年傳稱大司馬固於時又有司馬子魚上文樂豫為司馬下云六卿和公室六卿之外有此二子蓋是孤卿之官也宋是上公禮得有孤且

春秋之時不必如禮六卿和公室樂豫舍司馬以讓公子邲注

邲昭公弟音義

舍音捨下同邲五郎反

昭公即位而葬書曰宋

人殺其大夫不稱名衆也且言非其罪也注不稱殺者及

死者名殺者衆故名不可知死者無罪則例不稱名疏

正義曰傳云不稱名怪殺者死者並不名也又言衆也解殺者不名言殺者衆多其名不可知也且言非其罪也解死者不名言死者無罪則於例不稱名也此傳言書曰是仲尼新意殺大夫有例無凡故每言書曰所謂曲而暢之也此言死者無罪故不稱名則被殺書名皆為有罪故諸是大夫被殺書名者杜皆言其罪狀止以此傳為例故也釋例曰大臣相殺死者無罪則兩稱名氏以示殺者之罪王札子殺召伯



毛伯是也若死者有罪則不稱殺者名氏晉殺其大夫陽處父是也若為賊者衆因亂而殺則亦稱國人殺者主名不分故也主名不分殺者雖名氏可知亦隨而去之嫌於罪死者也士殺大夫則書曰盜盜殺鄭公子駢公子發公孫輒是也若然宋之穆襄之族既非六卿於例名氏不見亦應書盜而不言盜者彼殺鄭卿者知是尉止司臣之類故書盜以惡其人此則不得主名書盜不知所惡故不書其盜耳若知其人則亦書盜也

○秦康公送公子雍于晉曰文公之入也無

衛故有呂卻之難注僖二十四年文公入晉義難乃旦反

多與之徒衛穆嬴日抱大子以啼于朝曰先君何罪其嗣亦何罪舍適嗣不立而外求君將焉寘此注穆嬴襄

公夫人靈公母也音義

羸音盈適本又作嫡同丁歷反將焉於虔反下焉用同

出

朝則抱以適趙氏頓首於宣子曰先君奉此子也而屬

諸子曰此子也才吾受子之賜不才吾唯子之怨注欲

使宣子教訓之音義

屬音燭

今君雖終言猶在耳注在宣

子之耳而棄之若何宣子與諸大夫皆患穆嬴且畏偁

注畏國人以大義來偁已音義

偁彼力反

乃背先蔑而立靈

公以禦秦師箕鄭居守趙盾將中軍先克佐之注克先

且居子代狐射姑音義

背音佩箕音基守手又反下注同將子匠反下注同

荀

林父佐上軍注箕鄭將上軍居守故佐獨行先蔑將  
下軍先都佐之步招御戎戎津為右及堇陰注先蔑  
士會逆公子雍前還晉晉人始以逆雍出軍卒然變

計立靈公故車右戎御猶在職堇陰晉地音義

招上  
選反

堇音謹一音疏

正義曰諸言御戎為右皆是君之御  
靳卒寸忽反正右知此步招戎津始以逆雍出軍此

擬為雍之御右也改立靈公故御右猶在職也十二  
年河曲之戰傳稱范無恤御戎注云代步招晉君不

行有御戎者成二年楚令尹子重為陽橋之役王卒  
盡行彭名御戎注云王卒盡行故王戎車亦行然則  
河曲之戰亦公卒盡行公之戎車亦行故御戎在職  
也此時未至今孤令狐猶是晉地知堇陰亦是晉地

也宣子曰我若受秦秦則賓也不受寇也既不受矣

而復緩師秦將生心先人有奪人之心注奪敵之戰

心也音義

復扶又反先悉薦反有奪人之  
心本或此下有後人待其反誤

軍之善謀

也逐寇如追逃軍之善政也訓卒利兵秣馬蓐食潛

師夜起注蓐食早食於寢蓐也音義

卒子忽反秣  
音末蓐音辱戊

子敗秦師于令狐至于刳首己丑先蔑奔秦士會從

之注從刳首去也令狐在河東當與刳首相接音義

刳苦  
胡反

先蔑之使也荀林父止之曰夫人大子猶在而

外求君此必不行子以疾辭若何不然將及注禍將

及已音義

使所吏反

攝卿以往可也何必子同官為寮吾

嘗同寮敢不盡心乎弗聽為賦板之三章注板詩大

雅其三章義取芻蕘之言猶不可忽況同寮乎僖二

十八年林父將中行先蔑將左行音義

寮本又作僚力彫反為于

偽反下為同寮同芻初俱反蕘音饒行戶郎反下同

又弗聽及亡荀伯盡送其

帑及其器用財賄於秦曰為同寮故也注荀伯林父

士會在秦三年不見士伯注士伯先蔑其人曰能亡

人於國注言能與人俱亡於晉國不能見於此焉用

之注何用如此士季曰吾與之同罪注俱有迎公子

雍之罪非義之也將何見焉注言已非慕先蔑之義

而從之及歸遂不見注責先蔑為正卿而不匡諫且

俱出奔惡有黨也士會歸在十三年音義惡鳥路反○狄

侵我西鄙公使告于晉趙宣子使因賈季問鄆舒且

讓之注鄆舒狄相讓其伐魯音義鄆芳忠反相息亮反鄆舒問

於賈季曰趙衰趙盾孰賢對曰趙衰冬日之日也趙

盾夏日之日也注冬日可愛夏日可畏○秋八月齊

侯宋公衛侯陳侯鄭伯許男曹伯會晉趙盾盟于扈

晉侯立故也公後至故不書所會凡會諸侯不書所

會後也注不書所會謂不具列公侯及卿大夫後至

不書其國辟不敏也注此傳還自釋凡例之意疏正

義

曰僖十四年諸侯城緣陵傳曰不書其人有闕也十  
五年諸侯盟于扈傳曰書曰諸侯無能為也十七年  
諸侯會于扈傳曰書曰諸侯無功也然則總稱諸侯  
皆是罪諸侯也此總稱諸侯不稱所會為公侯也傳  
還自釋凡例云後至不書其國者辟不敏也不敏猶  
不達也諸國皆在公獨後至是公不達於事辟公之

不達於事諱公罪而歸責於諸侯者若言諸侯無功然故貶諸侯而總之所以辟公恥也

○穆伯

娶于莒曰戴已生文伯其娣聲已生惠叔注穆伯公

孫敖也文伯穀也惠叔難也音義

已音紀一音杞娣大計反難乃多反

戴已卒又聘于莒莒人以聲已辭則為襄仲聘焉注

襄仲公孫敖從父昆弟音義

為于偽反且為自為同

冬徐伐莒

莒人來請盟注見伐故欲結援穆伯如莒泣盟且為

仲逆及鄆陵登城見之美注鄆陵莒邑音義

鄆於晚反

自

為娶之仲請攻之公將許之叔仲惠伯諫注惠伯叔



牙孫曰臣聞之兵作於內為亂於外為寇寇猶及人  
亂自及也今臣作亂而君不禁以啓寇讎若之何公  
止之惠伯成之注平二子使仲舍之注舍不娶音義

舍音捨  
注同

公孫敖反之注還莒女復為兄弟如初從之

注為明年公孫敖奔莒傳音義

復音服又  
扶又反

○晉卻缺

言於趙宣子曰日衛不睦故取其地注日往日取衛  
地在元年今已睦矣可以歸之叛而不討何以示威  
服而不柔何以示懷注柔安也非威非懷何以示德

無德何以主盟子為正卿以主諸侯而不務德將若

之何夏書曰注逸書戒之用休注有休則戒之以勿

休音義

休許蚪反注同

董之用威注董督也有罪則督之以

威刑勸之以九歌勿使壞九功之德皆可歌也謂之

九歌六府三事謂之九功水火金木土穀謂之六府

正德利用厚生謂之三事疏

正義曰此虞書大禹謨之文也以其夏禹之言

故傳謂之夏書勿使壞以上皆彼正文唯彼言俾勿壞俾亦使也一字別耳彼上文云水火金木土穀惟

修正德利用厚生惟和九功惟叙九叙惟歌乃次此辭下云帝曰六府三事允治卻缺令宣子脩德行禮

使人歌樂故先引勸之以義而行之謂之德禮注德

九歌然後卻言六府三事正德也禮以制財用之節又以厚生民之命無禮不

樂所由叛也疏正義曰在上為政無禮若吾子之德

莫可歌也其誰來之注來猶歸也音義樂音洛盍使睦

者歌吾子乎宣子說之注為明年晉歸鄭衛田張本

音義盍戶疏正義曰鄭往前侵衛田今晉令鄭歸還

取衛田故杜下注云匡本衛邑中屬鄭令鄭還衛是

也然晉亦還衛田獨言鄭還衛田者以鄭歸衛田為

主遂略之劉炫以為歸鄭及歸衛田

怪傳文歸衛不歸鄭而規杜氏非也

左傳注疏

三十五

經八年春王正月

夏四月

秋八月戊申天王崩

冬十月壬午公子遂會晉趙盾盟于衡雍注壬午月五

日音義

雍於用反

乙酉公子遂會雒戎盟于暴注乙酉月八日也暴鄭地

公子遂不受命而盟宜去族善其解國患故稱公子以

貴之音義

會雒戎本或作伊雒之戎此後人疏正義曰妄取傳文加耳雒音洛去起呂反以壬午

乙酉相去四日其間不容報君見其專命之意故注詳其日也衡雍鄭地知暴亦鄭地臣無專命之義故暈溺皆去其族也此公子遂不受君命因事遂行輒與戎盟宜去其族傳言書曰公子遂珍之是善其解國患故稱公子以貴之也釋例曰人臣受命不受辭出竟有可以利社稷者專之可也故襄仲始盟趙盾遂盟伊雒之戎四日之間經再書公子不可以遂事常辭顯之也

公孫敖如京師不至而復丙戌奔莒注不言出受命而出自外行

螽注無傳為災故書

宋人殺其大夫司馬宋司城來奔注司馬死不舍節司

城奉身而退故皆書官而不名貴之音義

捨音

傳八年春晉侯使解揚歸匡戚之田于衛注匡本衛

邑中屬鄭孔達伐不能克今晉令鄭還衛及取戚田

皆見元年音義

解音蟹中丁仲反令鄭力呈反見賢遍反

且復致公壻池

之封自申至于虎牢之竟注公壻池晉君女壻又取

衛地以封之今并還衛也申鄭地傳言趙盾所以能

相幼主而盟諸侯音義

復扶又反壻音細俗作婿竟音境下注同相息亮反

疏

正義曰釋親云女子之夫為壻傳稱公壻知是晉君之女壻池其名也杜以上言歸匡戚之田于衛又言

且復致則晉亦致于衛故言又取衛地以封之令并還衛也劉炫云服虔以為致之于鄭以服言是規杜

已釋之

○夏秦人伐晉取武城以報令狐之役注令狐

役在七年○秋襄王崩注為公孫敖如周弔傳○晉

人以扈之盟來討注前年盟扈公後至○冬襄仲會

晉趙孟盟于衡雍報扈之盟也遂會伊雒之戎注伊

雒之戎將伐魯公子遂不及復君故專命與之盟書

曰公子遂珍之也注珍貴也大夫出竟有可以安社

稷利國家者專之可也疏

正義曰傳多言貴之而此言珍之事同而文異故以

珍為貴也大夫出竟以下  
皆莊十九年公羊傳文

○穆伯如周弔喪不至以

幣奔莒從已氏焉注已氏莒女○宋襄夫人襄王之

姊也昭公不禮焉注昭公適祖母音義適丁歷反夫人因

戴氏之族注華樂皇皆戴族以殺襄公之孫孔叔公

孫鍾離及大司馬公子卬皆昭公之黨也司馬握節

以死故書以官注節國之符信也握之以死示不廢

命疏正義曰周禮掌節掌守邦節而辨其用守邦國者用玉節守都鄙者用角節鄭玄云玉節有五

則典瑞云穀圭以和難以聘女牙璋以起軍旅以治兵守珍圭以徵守以恤凶荒琬圭以治德以結好琰



主以易行以除患其角節鄭注云未聞此司馬司城  
以事在官蓋執此等之玉節小行人云守都鄙者用  
管節此司馬司城或食采地即都鄙之主此節或是  
管節也掌節又云山國用虎節土國用人節澤國用  
龍節鄭注云鑄金為之謂王使之使於邦國之等掌  
節又云門闢用符節貨賄用璽節道路用旌節鄭玄  
云門闢者謂司門司關也道路者謂天子之鄉遂大  
夫也其諸侯之國及門闢鄉遂亦有節小行人云山  
國用虎節土國用人節澤國用龍節謂已是山澤之  
國出使用龍虎之節小行人又云道路用旌節門闢  
用符節都鄙用管節鄭注云道路謂諸侯鄉遂及諸  
侯司門司關都鄙之等也今之為官授以此節今握  
節以死示己不廢命也此夫人殺而經書宋人殺其  
大夫者夫人與君共有國家尊與君同不得為兩下  
相殺故同國討之文雖同國討稱人實非  
國討之例以其死者不稱人無罪故也

司城蕩意

諸來奔效節於府人而出注效猶致也意諸公子蕩

之孫音義

效反

公以其官逆之皆復之亦書以官皆

貴之也注卿違從大夫公賢其效節故以本官逆之

請宋而復之司城官屬悉來奔故言皆復疏

正義曰卿違從

大夫昭七年傳文也效節於府人然後出奔示已解任而退不敢帶官而逃公賢其效節故以本官逆之為是書宋司城來奔善其人故書其官也請宋復之事在十一年一人不得言皆知司城官屬悉與皆復

也○夷之蒐晉侯將登箕鄭父先都注登之於上軍

也夷蒐在六年疏

正義曰清原之蒐箕鄭佐新上軍先都佐新下軍二人先為卿也而

復欲登之知登於上軍也然則七年令狐之戰傳歷  
言諸軍將佐其鄭將上軍先都佐下軍先都不登容  
可怨恨箕鄭不失其登而亦共作亂者蓋先克之薦  
狐趙并亦請退箕鄭先都先都於時即佐下軍箕鄭  
雖得不退因此意望以成小憾及狐射姑出奔箕鄭  
位次宜佐中軍而先克代射姑箕鄭守其故職蓋以  
此而

恨也

而使士穀梁益耳將中軍注士穀本司空音義

穀戶木反  
將子匠反

先克曰狐趙之勲不可廢也從之注狐偃

趙衰有從亡之勲音義

從亡才用反

先克奪蒯得田于莖

陰注七年晉禦秦師於莖陰以軍事奪其田也先克

中軍佐音義

蒯苦賁反

故箕鄭父先都士穀梁益耳蒯得

作亂注為明年殺先克張本音義

偽為反于

經九年春毛伯來求金注求金以共葬事雖踰年而未

葬故不稱王使音義

共音恭本亦作供下同

夫人姜氏如齊注無傳歸寧

二月叔孫得臣如京師辛丑葬襄王注卿共葬事禮也

疏

正義曰言禮者以明天子之喪卿弔卿會葬諸侯不親行也釋例曰萬國之數至衆封疆之守至重故天

王之喪諸侯不得越竟而奔脩服於其國卿共弔送之禮既葬卒哭而除凶魯侯無故而穆伯如周弔焉此天

子崩諸侯遣卿弔送之經傳也杜以往年穆伯弔喪今令會葬二事傳無譏文知其禮當然也昭三十年傳鄭

游吉云靈王之喪我先君簡公在楚似不在楚即當親行而言禮不親者彼言由君在楚上卿守國故使少卿印段往耳非言君當親行也

晉人殺其大夫先都注下軍佐也以作亂討故書名

三月夫人姜氏至自齊注無傳告于廟疏正義曰蘇氏云夫人歸寧

書至唯有此耳餘不書者或禮儀不備或淫縱不告廟也

晉人殺其大夫士穀及箕鄭父注與先都同罪也

楚人伐鄭注楚子師於狼淵不親伐

公子遂會晉人宋人衛人許人救鄭

夏狄侵齊注無傳

秋八月曹伯襄卒注無傳七年同盟于扈疏

正義曰襄以僖八年

即位其年盟于洮九年于葵丘十五年于牡丘二十一年于薄今唯言于扈據文公言之

九月癸酉地震注無傳地道安靜以動為異故書疏

正義

曰穀梁傳曰震動也公羊傳曰震者何動地也何休云傳先言動者喻若物之動地以曉人也周語伯陽父曰陽伏而不能出陰迫而不能烝遂於是地有地震孔晁云陽氣伏於陰下見迫於陰故不能升以至於地動是地道安靜以動為異也

冬楚子使椒來聘注稱君以使大夫其禮辭與中國同

椒不書氏史略文疏

正義曰莊二十三年荆人來聘不稱楚子使某至此稱君以使大夫

其禮與中國同其禮既同椒亦宜書其某氏今不書氏傳無貶文皆是史辭自略無義例也釋例曰楚殺得臣與宜申賈氏皆以為陋案楚殺大夫公子側成熊之等六七人皆稱氏族無為獨於此二人陋也斯蓋非史策舊法故無凡例當時諸國以意而赴其自來聘使者辭有詳略仲尼脩春秋因采以示意義之所起則刊而正之不者即而示之不皆刊正也諸侯之卿當以名氏備書於經其加貶損則直稱人若有褒異則或稱官或但稱氏若無褒無貶傳所不發者則皆就舊文或未賜族或史有詳略也推尋經文自莊公以上諸弑君者皆不書氏閔公以下皆書氏亦足以明時史之同異非仲尼所皆貶也

秦人來歸僖公成風之祔注衣服曰祔秦辟陋故不稱

使不稱夫人從來者辭音義

者衣被說文作稅云贈終

死人衣辟

疏

正義曰隱元年公羊傳曰衣被曰襚穀梁

匹亦反

傳曰衣衾曰襚禮稱襚者君使臣致服故

云衣服曰襚也秦處西戎其國辟陋故不稱君使猶楚

在莊世稱荆人來聘也成風夫人也來者不言夫人從

來者之辭也先言僖公僖公

先薨也不言及并致之也

葬曹共公注無傳音義

恭共音

傳九年春王正月己酉使賊殺先克注箕鄭等所使

也亂殺先克不赴故不書乙丑晉人殺先都梁益耳

注乙丑正月十九日經書二月從告○毛伯衛來求



金非禮也注天子不私求財故曰非禮不書王命未

葬也○二月莊叔如周葬襄王疏

正義曰虛舉此經者嫌莊叔別以他

事使周葬王更使人會故明之

○三月甲戌晉人殺箕鄭父士穀蒯

得注梁益耳蒯得不書皆非卿疏

正義曰士穀書經則是卿也七年令

狐之戰三軍將佐無士穀十二年河曲之戰三軍將佐杜注無代士穀者而士穀得為卿者先蔑奔秦傳

無其代十二年藥盾將下軍注云代先蔑者據傳成文言之耳未必不是士穀代先蔑藥盾代士穀也箕

鄭上軍將也傳文先箕鄭後士穀士穀若將下軍則是位之次也其事似然或者晉於將佐之外猶別有

散位從御若卻缺趙穿之類也傳箕鄭先士穀經士穀先箕鄭者經以穀之先後傳以位次序列傳蒯得

居下知其位次也賈逵云其鄭稱及非首謀按襄  
二十三年陳殺其大夫慶虎及慶寅杜云言及史異  
辭無義例則  
此亦然也 ○范山言於楚子曰晉君少不在諸侯

北方可圖也注范山楚大夫音義

少詩照反下注同

楚子師

于狼淵以伐鄭注陳師狼淵為伐鄭援也潁川潁陰

縣西有狼陂音義

陂彼皮反

囚公子堅公子廆及樂耳注

三子鄭大夫音義

廆莫江反

鄭及楚平○公子遂會晉趙

盾宋華耦衛孔達許大夫救鄭不及楚師卿不書緩

也以懲不恪注華耦華父督曾孫公子遂獨不在貶

者諸魯事自非指為其國褒貶則皆從國史不同之

於他國此春秋大意他皆放此音義

德直升反恪苦各反為于偽反

疏

正義曰在禮卿不會公侯會則貶之稱人元年公孫教會晉侯于戚文無所貶此公子遂與諸國同

行諸卿皆貶遂獨不貶諸如此類莫不盡然知諸於魯事自非指為其國褒貶皆從魯史以其體例已舉

不假改正故也

○夏楚侵陳克壺丘注壺丘陳邑以其服於

晉也○秋楚公子朱自東夷伐陳注子朱息公也陳

人敗之獲公子蔑陳懼乃及楚平注以小勝大故懼

而請平也傳言晉君少楚陵中國明年所以有厥貉

之會音義

伐扶廢反  
貉武百反

○冬楚子越椒來聘執幣傲注

子越椒令尹子文從子傲不敬音義

傲五報反注下  
同從才用反

叔仲惠伯曰是必滅若敖氏之宗傲其先君神弗福

也注十二年傳曰先君之敝器使下臣致諸執事明

奉使皆告廟故言傲其先君也為宣四年楚滅若敖

氏張本音義

敖五刀反  
使所吏反

○秦人來歸僖公成風之襚

禮也注秦慕諸夏欲通敬於魯因有翟泉之盟故追

贈僖公并及成風本非魯方嶽同盟無相赴弔之制

故不譏其緩而以接好為禮音義

夏戶雅反嶽音岳好呼報反下文注

同

諸侯相弔賀也雖不當事苟有禮焉書也以無忘

舊好注送死不及尸故曰不當事書者書於典策垂

示子孫使無忘過厚之好疏

正義曰此雖廣言諸侯主為秦人發傳隱元年

王使來賄尚譏其緩若是同盟之國必譏其緩可知釋例曰秦之與魯本非方嶽同盟魯饒不赴秦秦不

賄魯自是其常也僖穆二公雖有同盟之義二君已卒則二子不得用同盟之禮也今秦康公達慕諸華

欲通敬於魯無以為辭因翟泉有盟追贈僖公并及成風假弔禮而行故曰禮也送死不及尸謂不當其

事書者書之於策垂之子孫以示過厚之好也是言此傳主為秦也僖公成風服除久矣今始來弔贈當

以變禮待之檀弓曰衛將軍文子之喪既除喪而後  
越人來弔主人深衣練冠待於廟垂涕洟子游曰將  
軍文氏之子其庶幾乎亡於禮者之禮也其動也中  
是古有以服終來弔者也何休膏肓云禮主於敬一  
使兼二喪又於禮既緩而左氏以之為禮非也鄭歲  
云若以為緩按禮衛將軍文子之喪既除喪而越人  
來弔子游何得善之是鄭不非其緩也若譏一使兼  
二禮雜記諸侯弔禮有含襚賵臨何以一使兼行知  
休言  
非也

經十年春王三月辛卯臧孫辰卒注無傳公與小斂故

書日音義

與音預  
力驗反  
歛

夏秦伐晉注不稱將帥告辭略音義

將子匠反  
帥所類反

楚殺其大夫宜申注宜申子西也謀弑君故書名

自正月不雨至于秋七月注無傳義與二年同

及蘇子盟于女栗注女栗地名闕蘇子周卿士頃王新

立故與魯盟親諸侯也音義

女音汝一音如字頃音傾

冬狄侵宋注無傳

楚子蔡侯次于厥貉注厥貉地名闕將伐宋而未行故

書次

傳十年春晉人伐秦取少梁注少梁馮翊夏陽縣音

義

少商照反下注  
同夏戶雅反

夏秦伯伐晉取北徵注報少梁音

義

徵如字三蒼云縣屬馮  
翊音懲一音張里反

○初楚范巫喬似注喬似

范邑之巫音義

喬尹必反

謂成王與子玉子西曰三君皆

將強死疏

正義曰強健也無  
病而死謂被殺也

城濮之役王思之故使

止子玉曰毋死不及止子西子西縊而縣絕注在僖

二十八年音義

強其丈反濮音卜母音  
無縊一政反縣音玄

王使適至遂

止之使為商公注商楚邑今上雒商縣音義

王使所  
吏反

泂漢泂江將入郢注泂順流泂逆流音義

泂悅專反  
泂息路反



郢以井反疏正義曰商在漢水北漢水東流而南入江子西既至商邑聞讒不敢居商縣浚

濮水順流而下至江乃汭流逆上渚宮當郢都之南故王在渚宮下見之也下注云小洲曰渚釋水文

王在渚宮注小洲曰渚音義渚章呂反水中可居者曰洲洲音州下見

之懼而辭曰臣免於死又有讒言謂臣將逃臣歸死

於司敗也注陳楚名司寇為司敗子西畏讒言不敢

之商縣疏正義曰言歸死於司敗主刑之官司寇是也論語有陳司敗知陳楚同此名也王

使為工尹注掌百工之官又與子家謀弑穆王穆王

聞之五月殺闔宜申及仲歸注仲歸子家不書非卿

○秋七月及蘇子盟于女栗頃王立故也注僖十年

狄滅溫蘇子奔衛今復見蓋王復之音義

復扶又反見賢遍反

○陳侯鄭伯會楚子于息冬遂及蔡侯次于厥貉注

陳鄭及宋麋子不書者宋鄭執卑苟免為楚僕任受

役於司馬麋子恥之遂逃而歸二君失位降爵故不

列於諸侯宋鄭猶然則陳侯必同也音義

麋九疏正義倫反

曰杜以陳鄭會楚子于息遂與蔡侯次于厥貉則陳鄭當在次也傳稱厥貉之會麋子逃歸則麋子當在

也宋公逆楚子則宋公亦在也獨書楚子蔡侯不言陳鄭宋麋故迹其事而為之說言宋陳鄭三君降爵

麋子逃歸故不書也劉炫以為告文略故不書陳鄭  
宋令知不然者此楚會諸侯必是楚人來告若楚人  
來告當以得諸侯為榮何以略其宋鄭陳乎麋子不  
會傳云逃歸宋鄭二國為楚僕役猶如許蔡二君降  
乘楚車許蔡既不書於經故知宋鄭失位不見此乃  
傳事分明故特為此解劉炫有以告文略以規杜氏  
也非將以伐宋宋華御事曰楚欲弱我也先為之弱乎

何必使誘我我實不能民何罪乃逆楚子勞且聽命

注時楚欲誘呼宋共戰御事華元父音義勞力遂道報反

以田孟諸注孟諸宋大藪也在梁國睢陽縣東北音

義

道音導藪素口反睢音綏

宋公為右孟鄭伯為左孟注孟田獵

陳名音義

孟音于陳  
直觀反

期思公復遂為右司馬注復遂

楚期思邑公今弋陽期思縣音義

弋以職反

子朱及文之

無畏為左司馬注將獵張兩甄故置二左司馬然則

右司馬一人當中央音義

甄吉然反疏

正義曰宋公為右  
孟無畏為左司馬

而扶宋公之僕自謂當官而行明無畏當右子朱當  
左是其張兩甄故置二左司馬使各掌一甄自然右

司馬一人  
當中央也

命夙駕載燧注燧取火者音義

命眉病反  
燧音遂本

又作宋公違命注不夙駕載燧無畏扶其僕以狗或

謂子舟曰國君不可戮也子舟曰當官而行何彊之

有注子舟無畏字音義

扶恥乙反狗似俊反舟音州

詩曰剛亦不

吐柔亦不如注詩大雅美仲山甫不辟彊禦音義

茹如

反呂毋縱詭隨以謹罔極注詩大雅詭人隨人無正心

者謹猶慎也罔無也極中也音義

詭九委反

疏

正義曰無縱此詭人

隨人無正心者以謹勅彼無中正之人言小罪尚不赦則大罪不敢為也

是亦非辟彊也

敢愛死以亂官乎注為宣十四年宋人殺子舟張本

○厥貉之會麋子逃歸注為明年楚子伐麋傳

春秋左傳注疏卷十八

春秋左氏傳注疏卷十八考證

王使榮叔歸含且賵○臣召南按王不稱天劉敞曰王

何以無天是非天之法以妾為嫡也程子曰天子成  
妾母為夫人亂倫之甚失天理矣不稱天義已明稱  
叔存禮也按左氏稱為禮故杜注不言賤而下文召  
伯會葬亦書王使而不稱天三家經文並同不得謂  
聖經無意也

傳楚子變滅蓼注蓼與六皆卑陶後○臣浩按地理志

六安國六縣蓼縣皆云故國臯繇後偃姓後漢郡國志引皇覽曰臯陶冢在六安縣

傳商書曰沉漸剛克高明柔克疏箕子商人所說故傳謂之商書○臣召南按洪範曰惟十有三祀王訪于

箕子稱祀而不稱年以申箕子之志謂之商書可也閏月不告月猶朝于廟注猶者可止之辭○臣浩按公

羊穀梁俱謂猶者通可以已俱謂閏月本不當告朔不如左氏斷其非禮杜注于猶朝廟以二傳為說非



也胡氏謂幸其不已之辭深得經意臣召南按公穀

意重譏朝廟之非左氏意重譏不告月之失以論語

告朔章推之左氏為長

傳既成以授太傅陽子與太師賈佗疏而有三軍六卿

復有孤一人者○臣召南按當作復有孤卿二人謂

太師太傅也

傳班在九人○趙汭補注曰九等之班乃諸侯取女立

子通制隱元年公羊傳何氏注曰禮適夫人無子立

右媵右媵無子立左媵左媵無子立適姪娣適姪娣  
無子立右媵姪娣右媵姪娣無子立左媵姪娣是時  
諸侯取女立子雖不如禮而九等班位尚存故趙孟  
得而言之與公羊立子以貴不以長之說合臣召南  
按此止謂班次第九耳非必如古制也

傳不告閏朔棄時政也○漢書律歷志引此作棄時正  
也

傳六卿和公室○臣召南

按春秋時列國官制最備者

莫如晉宋晉以霸宋以先代之後爵為上公故官制略如王室据此傳則所謂六卿右師左師司馬司徒司城司寇也以前後傳考之又有太宰小宰而司寇司馬皆有大小較諸周制惟少宗伯一官耳

傳先蔑將下軍先都佐之注先蔑士會逆公子雍前還

晉○ 臣召南

按趙汭補注曰上言先蔑如秦又言背

先蔑以禦秦師則將下軍非先蔑傳誤明矣按三軍並出以迎新君及董陰始變計禦秦蔑始奔也傳本

不誤但倒背先蔑一句于及莒陰之下即情事俱見  
乙酉公子遂會雒戎盟于暴注公子遂不受命而盟宜  
去族善其解國患故稱公子以貴之○葉夢得曰遂  
本以二事出故以壬午盟趙盾乙酉盟雒戎相去四  
日非一事再見自不應去族何珍之云趙汭曰杜注  
遂不受命云云非事實也

宋人殺其大夫司馬○萬斯大曰是年書宋殺司馬十  
五年書宋司馬華孫來盟屬辭以觀即知公子卬既

殺華孫即代為司馬卬乃忠于昭公者孫則公子鮑之黨也前後再書司馬一忠一賊義自分明

傳司馬握節以死○啖助曰傳言二人不失節致誤節義為符節如孔父義形于色而誤為女色也臣照按

啖助謂誤節義為符節施諸握節句猶可通若效節于府人以出則豈得謂非符節之節耶

叔孫得臣如京師疏言君當親行也○臣浩

按文義當

作非言君當親行也各本俱脫非字耳

傳秦伯伐晉取北徵音義徵如字三蒼云縣屬馮翊○

臣召南

按地理志左馮翊徵顏師古注曰即今之澄城縣是也左傳所謂取北徵正此地耳而杜元凱未詳其處也

春秋左氏傳注疏卷十八考證

謹按第七頁前六行疏朝服以日視朝刊本監本

毛本日訛月據宋本改

第八頁前三行注處父嘗為趙衰屬大夫諸本衰  
訛盾據宋本改

第十四頁前一行疏服虔作紆紆緩也諸本紆並  
訛舒據宋本改

第三十一頁後三行疏衣服曰襜也諸本也訛曰  
據宋本改


後四行疏不言及并致之也諸本也訛者據宋本

改

後八行注經書二月從告諸本二訛三據宋本改  
第三十七頁後五行疏扶宋公之僕諸本扶訛誅

據宋本改





覆校官編修臣張秉愚

校對官修撰臣張書勲

謄錄監生臣蔣大鎔

欽定四庫全書薈要

經部

左傳注疏卷十九



詳校官原任侍講<sub>臣</sub>王燕緒

欽定四庫全書薈要卷一千一百三十五

經部

春秋左傳注疏卷十九

起文公十一年盡十五年

晉杜氏注 唐陸德明音義 孔穎達疏

經十有一年春楚子伐麋注討前年逃厥貉會音義

麋九



夏叔仲彭生會晉卻缺于承匡注承匡宋地在陳留襄

邑縣西彭生叔仲惠伯卻缺冀缺音義

叔仲彭生叔又作州本或作叔

彭生仲衍字

缺丘悅反

秋曹伯來朝

公子遂如宋

秋侵齊

冬十月甲午叔孫得臣敗狄于鹹注鹹魯地音義咸鹹音

傳十一年春楚子伐麋成大心敗麋師於防渚注成

大心子玉之子大孫伯也防渚麋地潘崇復伐麋至

于錫穴注錫穴麋地音義復扶又反錫音羊或作錫星厯反○夏叔

仲惠伯會晉卻缺于承匡謀諸侯之從於楚者注九

年陳鄭及楚平十年宋聽楚命○秋曹文公來朝卽

位而來見也音義

見賢遍反

○襄仲聘于宋且言司城蕩

意諸而復之注八年意諸來奔歸不書史失之疏

正義

曰諸侯之卿出奔而復歸者宋華元衛孫林父之徒皆書其歸則蕩意諸之歸亦當書之服虔云反不書者施而不德衛冀隆亦同服義而難杜云襄二十九年樂氏施而不德春秋所善不書意諸之歸則是施而不德且經所不書傳即發文史失之即不書日史失之之類是也此既無傳何知史失杜必以爲史失者案衛侯鄭之歸於衛也僖公納賂而請之衛侯朔之入于衛也莊公興師而納之歸邾子益于邾自我而歸之皆受魯施竝書於經何獨意諸施而不德若意諸施而不德彼何故施而德之春秋公侯大夫失

位出奔得人力而反者多矣若皆施而不德不應赴告諸侯魯以不書為是則書者為非何以無貶責之文定人之謂禮存亡之謂義未有禮義在可諱之意故杜以為史官失之故不書於策

因賀楚

師之不害也注往年楚次厥貉將以伐宋○鄭瞞侵

齊注鄭瞞狄國名防風之後漆姓音義

鄭所求反說文作鄒云北

方長狄國也在夏為防風氏殷為汪芒氏字林鄒一音先牢反瞞莫干反漆音七

疏

正義曰狄是北

夷大號鄭瞞是其國名魯語云吳伐越隲會稽獲骨節專車吳子使來聘問之仲尼仲尼宴之客執骨而問曰敢問骨何為大仲尼曰昔禹致羣臣於會稽之山防風氏後至禹殺而戮之其骨節專車此為大矣客曰防風氏何守仲尼曰汪芒氏之君守封隅之山者也為漆姓在虞夏商為汪芒氏於周為長狄氏今

曰大人客曰人長之極幾何仲尼曰焦堯氏長三尺短之至也長者不過十尺數之極也此言長狄狄之長者彼言於周為長狄知鄭瞞即是防風氏之後故以國語為說服云伐我不書諱之 遂伐我

公卜使叔孫得臣追之吉侯叔夏御莊叔注莊叔得

臣音義

夏戶雅反

縣房甥為右富父終甥駟乘注駟乘四

人共車音義

乘繩證反注及下皆同

冬十月甲午敗狄于鹹獲

長狄僑如注僑如鄭瞞國之君蓋長三丈獲僑如不

書賤夷狄也音義

僑本作喬其驕反長如字又直亮反

疏

正義曰經書敗狄于鹹即

是敗一國也敗其國而獲此人傳不言是其將帥知是其國之君也穀梁傳曰長狄瓦石不能害叔孫得

臣最善射者射其目身橫九畝斷其首而載之眉見於軾何休云蓋長百尺魯語仲尼所云此十倍焦堯氏之長者故云蓋長三丈魯語言不過十尺是疑之言故云蓋也宣十五年晉師滅赤狄潞氏以潞子嬰兒歸彼獲嬰兒歸書之此獲僑如不書者潞國大其君貴故書之此國小僑如賤不書賤夷狄也富

父終甥搯其喉以戈殺之注搯猶衝也音義

搯舒容反喉音

侯戈古

疏

正義曰考工記戈之長六尺六寸耳得及

禾反

長狄之喉者兵車之法皆三人共乘魯宋

與長狄之戰車皆四乘改其乘必長其兵謂之戈蓋形如戈也

埋其首於子駒之門

注子駒魯郭門骨節非常恐後世恠之故詳其處音

義

處昌呂反

以命宣伯注得臣待事而名其三子因名宣



伯曰僑如以旌其功音義

名如字或亡政反

疏

正義曰襄三

事云叔孫莊叔敗狄于鹹獲長狄僑如及虺也虺也皆以名其子定八年傳稱魯苦越生子將待事而名之陽州之役獲焉故名之曰陽州如得臣亦待事以名其三子以旌章其功也此三子未必同年而生或生訖待事故事後始生欲以章已功取彼名而名之也

初宋武公之世鄭瞞伐

宋注在春秋前疏

正義曰史記十二諸侯年表宋武公即位十八年以魯惠公二十一

年卒卒在春秋前二十六年不知鄭瞞以何年伐宋也

司徒皇父帥師禦之彫

班御皇父充石注皇父戴公子充石皇父名音義

禦本

亦作御魚呂反彫音而

疏

正義曰皇父戴公子世本文古人連言名字者皆先字後名且此人子孫

以皇為氏知皇  
父字充石名

公子穀甥為右司寇牛父駟乘以敗

狄于長丘注長丘宋地獲長狄緣斯注緣斯僑如之

先疏

正義曰服虔云不言所埋埋其身首同處於戰地可知

皇父之二子死焉

注皇父與穀甥及牛父皆死故彫斑獨受賞疏

正義曰賈

逵云皇父與穀甥牛父三子皆死鄭衆以為穀甥牛父二人死耳皇父不死馬融以為皇父之二子從父在軍為敵所殺名不見者方道二子死故得勝之如今皆死誰殺緣斯服虔云殺緣斯者未必三子之手士卒獲之耳下言宋公以門賞彫斑斑為皇父御而有賞三子不見賞疑皆死賈君為近之如馬之言於傳文為順但斑獨受賞知

宋公於是以門賞彫斑使

三子皆死故杜亦同之

食其征注門關門征税也音義

稅舒反

疏

正義曰禮惟

關門有征知

門是關門也周禮司關司貨賄之出入掌其治禁與其征厘國凶札則無門之征鄭玄云征厘者貨賄之稅孟子曰關市譏而不征則天下行旅皆悅而願出於其塗矣如彼文知出入關者必有征稅但不知幾而稅一也然據禮文城門必有征必知關門者以關門征税其數既多故昭二十年偃介之關暴征其私是關禁之重異於城門此謂之形門晉之滅潞也注云食其征稅故知關稅也

在宣十五年音義

潞音路

獲僑如之弟焚如齊襄公之

二年注魯桓之十六年鄭瞞伐齊齊王子成父獲其

弟榮如注榮如焚如之弟焚如後死而先說者欲其

兄弟伯李相次榮如以魯桓十六年死至宣十五年  
一百三歲其兄猶在傳言既長且壽有異於人王子  
成父齊大夫音義且壽如字一音授埋其首於周首之北門

注周首齊邑濟北穀城縣東北有周首亭衛人獲其

季弟簡如注伐齊退走至衛見獲鄭瞞由是遂亡注

長狄之種絕音義

種章勇反

疏

正義曰此時長狄種絕仲尼猶云今日大人者言當

時呼往前長狄為大人未必其時有之若當時猶有  
其種吳人不應怪其骨也但如此傳文長狄有種種  
類相生當有支胤唯獲數人云其種遂絕深可疑之  
命守封隅之山賜之以漆為姓則是世為國主縣厯

四代安得更無支屬唯有四人且君為民心方以類聚不應獨立三丈之君使牧八尺之民又三丈之人誰為匹配豈有三丈之妻為之生產乎人情度之深可感也國語仲尼之談左傳丘明所說通賢大聖立此格言不可論其是非實疑之久矣蘇氏云國語稱今日大人但逆居四夷不在中國故云遂亡公羊穀梁竝云長狄兄弟三人一之齊一之魯一之晉何以書記異猶如史記所云秦時大人見於臨洮

○

邲大子朱儒自安於夫鍾注安處也夫鍾邲邑音義

邲音成儒如朱反夫音扶

國人弗徇注徇順也為明年邲伯來奔

傳音義

徇以俊反

經十有二年春王正月邲伯來奔注稱爵見公以諸侯

禮迎之音義

見賢疏

正義曰此實大子公以諸侯禮迎

之公既尊之為君史遂從公之意

成十年晉侯有疾立太子州蒲為君會諸侯伐鄭經即書為晉侯史官不可反公之心追言世子從君所稱更是其實故也

杞伯來朝注復稱伯舍夷禮音義

復扶又反一音服舍音捨

二月庚子子叔姬卒注既嫁成人雖見出棄猶以恩錄

其卒疏

正義曰天子諸侯絕期嫁女於諸侯則尊同恩成於敵體其禮不為降卒則服大功九月叔姬

既為杞之夫人雖見出棄猶以恩錄其卒喪服女子既嫁而反在父母之室從本服為之齊衰期此既書其卒當服其本服杜譜不知此叔姬是何公之女要姑與姊妹皆服期也釋例曰出棄之女反在父母之室則與既

笄成人者同故亦書卒也杞叔姬卒  
穀梁以為公母姊妹謂同母姊妹

夏楚人圍巢注巢吳楚間小國廬江六縣東有居巢城  
秋滕子來朝

秦伯使術來聘注術不稱氏史畧文

冬十有二月戊午晉人秦人戰于河曲注不書敗績交

綏而退不大崩也稱人秦晉無功以微者告也皆陳曰

戰例在莊十一年河曲在河東蒲坂縣南音義

陳直觀  
反坂音

反

季孫行父帥師城諸及鄆注鄆莒魯所爭者城陽姑幕縣南有員亭員即鄆也以其遠偏外國故帥師城之音

義

鄆音軍幕音莫員音云一音運本又作鄆音同

傳十二年春邾伯卒邾人立君注大子自安於外邑

故大子以夫鍾與邾邾來奔注邾邾亦邑音義

邾音圭

公以諸侯逆之非禮也注非公寵叛人故書曰邾伯

來奔不書地尊諸侯也注既尊以為諸侯故不復見

其竊邑之罪音義

復扶又反見賢遍反

○杞桓公來朝始朝公



也注公即位始來朝疏

正義曰劉炫云魯公新立鄰國及時來朝則曰公即位而

來朝晚則云始朝公也諸侯自新立來及時者則云

即位而來見晚則云始見霸主即位魯公往朝則曰

朝嗣君魯君新立往朝大

且請絕叔姬而無絕昏公

國則曰即位而往見也

許之注不絕昏立其娣以為夫人不書來歸未歸而

卒疏

正義曰傳言請無絕昏成五年有杞叔姬來歸故知其娣為夫人也其娣亦字叔者周之法稱

叔也釋例曰杞桓公以僖二十三年即位襄六年卒

凡在位七十一年文成之世經書叔姬二人一人出

一人卒皆杞桓公夫人也傳例出曰來歸不書來歸

未歸而卒也既歸而卒亦當書之成五年杞叔姬來

歸八年書卒是也宣十六年鄭伯姬來歸二月叔姬

後不書卒者或更嫁於大夫故不書卒耳

卒不言杞絕也注既許其絕故不言杞書叔姬言非女也注女未笄而卒不書○楚令尹大孫伯卒成嘉為令尹注若敖曾孫子孔羣舒叛楚注羣舒偃姓舒庸舒鳩之屬今廬江南有舒城舒城西南有龍舒疏正義曰世本偃姓舒庸舒蓼舒鳩舒龍舒鮑舒龔以其非一故言屬以包之夏子孔執舒

子平及宗子遂圍巢注平舒君名宗巢二國羣舒之屬○秋滕昭公來朝亦始朝公也○秦伯使西乞術來聘且言將伐晉襄仲辭玉曰君不忘先君之好照

臨魯國鎮撫其社稷重之以大器寡君敢辭玉注大

器圭璋也不欲與秦為好故辭玉音義

好呼報反注及下同重直

用反璋音章

疏

正義曰聘君用圭享用璧聘夫人用璋享

可也故知所言大器是圭璋也考工記玉人云瑑圭璋八寸璧琮八寸以規聘聘禮記云所以朝天子圭與纁皆九寸問諸侯朱緣纁八寸鄭玄云於天子曰朝於諸侯曰問記之於聘文互相備言互相備者朝諸侯與天子同聘天子與諸侯同也所言朝圭九寸聘圭八寸謂上公禮也使臣出聘降君一等故八寸則侯伯之使當瑑圭六寸子男之使當瑑璧四寸也聘義曰以圭璋聘重禮也已聘而還圭璋此輕財而重禮之義也然則王必還其來使而下云致諸執事以為瑞節及襄仲辭之者禮聘終雖復得還王初聘

之時其意欲致與主國且受之而襄仲辭  
之者為不欲與秦為好因謙退辭還也

對曰不腆

敝器不足辭也注腆厚也音義

腆他典反

主人三辭賓答

曰寡君願徼福于周公魯公以事君注徼要也魯公

伯禽也言願事君以并蒙先君之福音義

徼古堯反要於堯反

下同不腆先君之敝器使下臣致諸執事以為瑞節注

節信也出聘必告廟故稱先君之器音義

瑞垂偽反

要結

好命所以藉寡君之命結二國之好注藉薦也音義

藉在夜疏

正義曰聘禮執圭所以致君命君命致藉反注同玉而後通若坐之有薦席然故以藉為薦

也是以敢致之襄仲曰不有君子其能國乎國無陋

矣厚賄之注賄贈送也音義

賄呼罪反

○秦為令狐之役

故音義

偽為于反

冬秦伯伐晉取羈馬注令狐役在七年

羈馬晉邑音義

令力丁反

晉人禦之趙盾將中軍荀林父

佐之注林父代先克音義

將子匠反下皆同

卻缺將上軍注

代箕鄭史駢佐之注代林父音義

駢步還反

欒盾將下軍

注欒枝子代先蔑音義

欒力官反盾徒本反

胥甲佐之注胥臣

子代先都范無恤御戎注代步招音義

招上遙反

以從秦

師於河曲史駢曰秦不能久請深壘固軍以待之從

之秦人欲戰秦伯謂士會曰若何而戰注晉士會七

年奔秦音義

壘力軌反

疏

正義曰壘壁也軍營所處築土

自衛謂之為壘深者高也高其

壘以為軍之阻固案覲禮說為壇深四尺鄭注云深高也是其義也

對曰趙氏新出其

屬曰史駢必實為此謀將以老我師也注史駢趙盾

屬大夫新出佐上軍趙有側室曰穿晉君之壻也注

側室支子穿趙夙庶孫音義

穿音川

疏

正義曰文王世子云公若有出

疆之政庶子守公宮正室守太廟鄭玄云正室適子也正室是適子知側室是支子言在室子之側也世

族譜穿趙風之孫則是趙盾從父昆弟之子也盾為正室故謂穿為側室穿別為邯鄲氏趙盾趙勝邯鄲午是其有寵而弱不在軍事注弱年少也又未嘗涉

後也知軍事音義

少詩照反

好勇而狂且惡史駢之佐上軍也

若使輕者肆焉其可注肆暫往而退也音義

惡烏路反輕遣

政反肆音四

秦伯以璧祈戰于河注禱求勝音義

禱丁老反一音

丁報反

十二月戊午秦軍掩晉上軍趙穿追之不及注

上軍不動趙穿獨追之反怒曰褭糧坐甲固敵是求

敵至不擊將何俟焉軍吏曰將有待也注待可擊音

義

義音果

疏

正義曰甲者所以制禦非常臨敵則被之於身未戰且坐之於地

穿曰我

不知謀將獨出乃以其屬出宣子曰秦獲穿也獲一

卿矣注僖三十三年晉侯以一命命卻缺為卿不在

軍帥之數然則晉自有散位從卿者音義

帥所類反散悲但反

秦以勝歸我何以報乃皆出戰交綏注司馬法曰逐

奔不遠從綏不及逐奔不遠則難誘從綏不及則難

陷然則古名退軍為綏秦晉志未能堅戰短兵未至

爭而兩退故曰交綏音義

爭爭鬪之爭

疏

正義曰魏武全引司馬法云將



軍死綏舊說綏卻也言軍卻將當死綏必是退軍之名綏訓為安蓋兵書務在進取恥言其退以安行即為大罪故以綏為名焉 秦行人夜戒晉師曰兩君之士皆未愁

也明日請相見也注愁缺也音義

愁魚覲反又魚轄反方言云傷也字

林云間也

疏

正義曰愁者缺之貌今人猶謂缺為愁也沈氏云方言云愁傷傷即缺也下云

死傷未收則是已有死者但未至大崩未甚喪敗故為皆未缺也

史駢曰使者目動

而言肆懼我也注目動心不安言肆聲放失常節音

義

使所更反

將遁矣薄諸河必敗之注薄迫也音義

遁徒困反

薄蒲莫反下同敗卑賣反

胥甲趙穿當軍門呼曰死傷未收而棄

之不惠也不待期而薄人於險無勇也乃止注晉師

止為宣元年放胥甲傳秦師夜遁復侵晉入瑕音義

復扶又反○城諸及鄆書時也

經十有三年春王正月

夏五月壬午陳侯朔卒注無傳再同盟疏

正義曰朔以僖二十九年

即位其年盟於翟泉文二年于垂隴七年于扈云再同盟者據文公言之

邾子遽蔭卒注未同盟而赴以名音義

遽其居反疏正義蔭丈居反

曰遽蔭邾子瑣之子也莊二十九年即位僖元年與魯盟于犂而云未同盟蓋據文公為言故云未同盟劉炫

以聲盟規  
之非也

自正月不雨至于秋七月注無傳義與二年同

大室屋壞注大廟之室音義

大音泰注及傳同

疏

正義曰傳稱書不共則於

此室當共知大廟之室也明堂位曰祀周公於大廟此  
周公之廟壞也不直言大廟壞而云太室屋壞者大廟  
之制其簷四阿而下室當其中又拔出為重屋明堂位  
云大廟天子明堂復廟重檐天子之廟飾鄭云復廟重  
屋也是天子之廟上為重屋此是大廟當中之室其上  
之屋壞非大廟全壞也公羊作世室傳曰世室者何魯  
公之廟也周公稱大廟魯公稱世室羣公稱宮此魯公  
之廟也曷為謂之世室猶世世不毀也左傳不辨此是  
何公之廟而經謂之大室則此室是室之最大者故知  
是周公之廟非魯公也明堂位曰魯公之廟文世室也

武公之廟武世室也不毀則稱世室世室非一君廟名  
若是伯禽之廟則宜舉其號謚案左傳經為大室不作  
世室故左氏先師賈服等皆以為廟之室也壞必更作  
書其壞而不書作者隨即修之故不書也定二年五月  
雉門及兩觀災十月新作雉門及兩  
觀啓塞從時譏其緩作故別書之耳

冬公如晉衛侯會公于沓注沓地闕音義

沓徒谷反

狄侵衛注無傳

十有二月己丑公及晉侯盟注十二月無己丑己丑十

一月十一日

公還自晉鄭伯會公于棐注棐鄭地音義

棐芳味反又非尾反

傳十三年春晉侯使詹嘉處瑕以守桃林之塞注詹

嘉晉大夫賜其瑕邑令帥衆守桃林以備秦桃林在

弘農華陰縣東潼關音義

詹章廉反塞悉代反令力呈反華戶化反潼音童

疏

正義曰桃林之塞在南河之南遠處晉之南竟從秦適周乃由此路使詹嘉守此塞者以秦與東方

諸侯遠結恩好及西乞聘魯亦應更交餘國慮其要結外援東西圖已故使守此阨塞欲斷其未往也

晉人患秦之用士會也夏六卿相見於諸浮注諸浮

晉地疏

正義曰六卿在朝旦夕聚集而特云相見於諸浮者將欲密謀慮其漏泄故出就外野屏

人私議諸浮當是城外之近地耳

趙宣子曰隨會在秦賈季在狄難

日至矣若之何注六年賈季奔狄音義

難乃旦反日人實反

中

行桓子曰請復賈季注中行桓子荀林父也僖二十

八年始將中行故以爲氏音義

行司郎反注同將子匠反

能外事

且由舊勲注有狐偃之舊疏

正義曰賈季是狐突之子本是狄人

能知外竟之事謂知狄之情得豫爲之備

卻成子曰賈季亂且罪大注殺

陽處父故不如隨會能賤而有恥柔而不犯注不可

犯以不義疏

正義曰服虔云謂能處賤且又知恥言不可汙辱

其知足使也

且無罪乃使魏壽餘僞以魏叛者以誘士會執其帑

於晉使夜逸注魏壽餘畢萬之後帑壽餘子音義

知音

智帑疏

正義曰閔元年晉侯賜畢萬魏魏犢者萬之音奴孫為魏之世適壽餘為魏邑之主當是犢之

近親故云

畢萬之後請自歸于秦秦伯許之注許受其邑履士

會之足於朝注躡士會足欲使行音義

躡涉反

秦伯師

于河西注將取魏魏人在東注今河北縣於秦為在

河之東壽餘曰請東人之能與夫二三有司言者吾

與之先注欲與晉人在秦者共先告喻魏有司音義

扶夫音

疏

正義曰請舊是東方之人并有才能堪與彼

魏邑

二三有司說歸秦之言者吾與先行

使士會士會辭曰晉人虎狼也若背其言臣死妻子

為戮無益於君不可悔也注辭行示已無去心音義

背音佩

疏

正義曰言身殉死於晉妻為戮於秦必無益於君不可改悔

秦伯曰若

背其言所不歸爾帑者有如河注言必歸其妻子明

白如河乃行統朝贈之以策注策馬槨臨別授之馬

槨並示已所策以展情統朝秦大夫音義

朝如字又張遙反策

本又作策初革反槨張瓜反馬杖也

疏

正義曰服虔云統朝以策

王鄒華反字林作蔡云筮也竹瓜反

書贈士會杜不然者壽餘請訖士會即行不暇書策為辭且事既密不宜以簡贈人傳稱以書相與皆云



與書此獨不宜云贈之  
以策知是馬櫪櫪杖也  
曰子無謂秦無人吾謀適不

用也注示已覺其情既濟魏人譟而還注喜得士會

音義

譟素報反還音旋

秦人歸其帑其處者為劉氏注士會

堯後劉累之胤別族復累之姓音義

累劣疏被反伍員屬正義曰

其子於齊使為王孫氏者知已將死豫令改族其傳  
有為而發之士會之帑在秦不顯於會之身復無所  
辟傳說處秦為劉氏未知何意言此討尋上下其文  
不類深疑此句或非本旨蓋以為漢室初興捐棄古  
學左氏不顯於世先儒無以自申劉氏從秦徙魏其  
原本出劉累挿注此辭將以媚於世明帝時賈逵上  
疏云五經皆無證圖識明劉氏為堯後者而左氏獨  
有明文竊謂前世藉此以求道通故後引之以為證

耳注正義曰昭二十九年傳稱陶唐氏既衰其後曰  
劉累能飲食龍夏王孔甲賜氏曰御龍襄二十四年  
傳范宣子云句之祖自虞以上為陶唐氏在夏為御  
龍氏在商為豕韋氏在周為唐杜氏晉主夏盟為范  
氏晉語云昔隰叔子違周難於晉生子輿為司空世  
及武子佐文襄輔成景是以受隨范賈遠云隰叔杜  
伯之子周宣王殺杜伯其子逃奔晉子輿士薦也武  
子薦之孫即士會也又世本土薦生士伯缺缺生士  
會會生士燮會是薦之孫是為堯後也會子在秦不  
被賜族故自復累之姓為劉氏秦滅魏劉氏徙大梁  
漢高祖之祖為豐公又徙沛故高祖為沛人

○邾文公卜遷于繹注繹邾

邑魯國鄒縣北有繹山音義

繹音亦鄒側留反

疏

正義曰邾都本在鄒

縣鄒縣北有繹山徙都於彼山旁山旁當有舊邑故  
曰繹邾邑也邾既遷都於此竟內別有繹邑宣十年

公孫歸父帥師伐邾取繹取彼之別邑不取邾之國都也但邾是小國彼繹邑亦取繹山為名應近邾之

都史曰利於民而不利於君邾子曰苟利於民孤之

利也天生民而樹之君以利之也民既利矣孤必與

焉左右曰命可長也君何弗為邾子曰命在養民死

之短長時也民苟利矣遷也吉莫如之注左右以一人之命為言文公以百姓之命為主一人之命各有

短長不可如何百姓之命乃傳世無窮故徙之音義

與音預傳疏正義曰史明卜筮知國遷君必死不知

直專反君命自當卒也左右之意謂不遷命可

長左右勸君弗遷以一人之命為言也文公之意人君之命在於養民遷則民利志在必遷以百姓之命為主也一人之命各有短長長短先定不遷亦死是不可如何百姓之命利在水土遷就善居則民安樂乃傳世無窮也晉遷新田十世之利衛遷帝丘卜曰三百年是傳世也遂遷於繹五月

邾文公卒君子曰知命疏

正義曰俗人見其早卒謂由遷而死死之短長有時

不遷至期亦卒傳言君子曰知命所以證俗人之惑邾文公以莊二十九年即位至今五十一年享國久矣命非短折也○秋七月大室之屋壞書不共也注簡慢宗

廟使至傾頹故書以見臣子不共音義

頹大回反疏見賢遍反

正義曰釋例曰大室之屋國之所尊朽而不繕久旱遇雨乃遂傾頹不共之甚故特書之

○冬公

如晉朝且尋盟衛侯會公于沓請平于晉公還鄭伯  
會公于棐亦請平于晉公皆成之注鄭衛貳于楚畏  
晉故因公請平鄭伯與公宴于棐子家賦鴻鴈注子  
家鄭大夫公子歸生也鴻鴈詩小雅義取侯伯哀恤  
鰥寡有征行之勞言鄭國寡弱欲使魯侯還晉恤之

音義

鰥古頑反

疏

正義曰鴻鴈美宣王勞來諸侯之詩也首章云之子于征劬勞于野爰及矜人

哀此鰥寡之子侯伯卿士也存省諸侯劬勞外野爰曰也矜憐也王命之曰當及此可憐之人謂貧窮者又當哀此鰥夫寡婦當收斂之使有依附子季文子家言鄭寡弱欲使魯侯遠行還晉存恤之也

曰寡君未免於此注言亦同有微弱之憂文子賦四

月注四月詩小雅義取行役踰時思歸祭祀不欲爲

還晉音義

爲于偽反下皆同

疏

正義曰四月大夫行役之怨詩也首章云四月維夏六月

徂暑先祖匪人胡寧忍予大夫言已四月初夏而行至六月徂暑矣寒暑易節尚不得歸我之先祖非人乎王者何當施思於我不使得祭祀也

文子言已思歸祭祀不欲更復還晉

子家賦載馳

之四章注載馳詩鄘風四章以下義取小國有急欲

引大國以救助音義

鄘音容

疏

正義曰載馳許穆夫人聞衛之滅思歸唁兄之

詩也其四章曰陟彼阿丘言采其蟲女子善懷亦各有行許人尤之衆穉且狂其五章曰我行其野芄芄

其麥控于大邦誰因誰極大夫君子無我有尤百爾  
所思不如我所之此義取小國有急控我大國文在  
五章而傳言四章故云四  
章以下言其并賦五章  
文子賦采薇之四章注采

薇詩小雅取其豈敢定居一月三捷許爲鄭還不敢

安居音義

三息暫反又如  
字捷在接反

疏

正義曰捷勝也三者  
謂侵也伐也戰也

鄭

伯拜注謝公爲行公荅拜

經十有四年春王正月公至自晉注無傳告于廟

邾人伐我南鄙叔彭生帥師伐邾

夏五月乙亥齊侯潘卒注七年盟于扈乙亥四月二十

九日書五月從赴音義

潘判干反疏

正義曰齊世家孝公卒弟潘殺孝公子而立是

為昭公昭公則以僖二十八年即位其年盟于踐土據文公言之唯同扈之盟耳杜以長歷校之知乙亥是四月二十九日書五月從赴者蓋赴以五月到惟言卒日不言其月即書其所至之月

六月公會宋公陳侯衛侯鄭伯許男曹伯晉趙盾癸酉

同盟于新城注新城宋地在梁國穀熟縣西

秋七月有星孛入于北斗注字彙也既見而移入北斗

非常所有故書之音義

字音佩徐無憤反嵇康音勃海字彙嵇似歲反一音雖遂反見

賢遍反

疏

正義曰公羊傳曰字者何彗星也其言入于北斗何北斗有中也可何可以書記異也穀梁傳曰字



之為言猶弗也其曰入北斗斗有環域也釋天云彗星為欃槍郭璞曰妖星也亦謂之字言其形字字似掃彗也經言入于北斗則從他處而入是既見而移入北斗也彗星長有尾入于北斗杓中妖星非常所有故書公至自會注無傳

晉人納捷菑于邾弗克納注邾有成君晉趙盾不度於

義而大興諸侯之師涉邾之竟見辭而退雖有服義之

善所興者廣所害者衆故貶稱人音義

菑側其反度待各反竟音境

疏正義曰捷菑不言邾者下有于邾之文莊公伐齊納子糾不言齊者上有伐齊之文與此同也僖二十五

年楚人圍陳納頓子于頓昭十二年齊高偃納北燕伯于陽彼舊是國君故稱其國哀二年晉趙鞅納衛世子

朔賸于戚世子之尊以名體國上下又無衛文故亦稱國與此異也齊小白齊陽生許叔蔡季之屬經無納文又復得國與此不同也劉炫云已去邾國又非邾君故不稱邾捷菑也得國為君皆舉國言之齊小白入于齊也是也

九月甲申公孫敖卒于齊注既許復之故從大夫例書

卒疏

正義曰傳稱請葬不許明年傳云葬視共仲則是不得從大夫禮葬而得從大夫例書卒者卒葬異

禮事不相連隱公書薨不書葬不成喪不以君禮成其喪也不以君禮猶得書公薨敖雖不以輕禮葬既許其復得從例書卒

齊公子商人弑其君舍注舍未踰年而稱君者先君既

葬舍已即位弑君例在宣四年疏

正義曰公羊之例既葬稱子踰年稱公左

氏則不然僖九年九月晉侯詭諸卒冬晉里克殺其君之子奚齊傳曰書曰殺其君之子未葬也荀息立公子卓以葬十一月里克殺公子卓于朝經書里克弑其君卓是朱葬稱子既葬稱君不待踰年始稱君也此稱弑其君舍舍已成君故云未踰年而稱君者先君既葬舍已即位也傳云五月昭公卒舍即位後七月為商人所弑經傳無葬昭公之文又齊侯以五月而卒傳稱七月弑舍時未合葬知已葬者正以舍已稱君決知既葬春秋之世多不如禮葬之早晚時有遲速雖復違禮而葬後君葬訖即成君非計禮之葬日始成君也宣十年夏四月齊侯元年六月葬齊惠公冬齊侯使國佐來聘是葬訖成君之文也杜以成君在於既葬不以踰年為限此言未踰年者意在排舊說也

宋子哀來奔注大夫奔例書名氏貴之故書字疏

正義曰崔

杼無罪書崔氏出奔此貴子哀書其字者於例字貴於名故儀父女叔之徒皆書其字則書字是貴之常例也崔氏傳曰且告以族故因稱氏唯以不名為義

冬單伯如齊注單伯周卿士為魯如齊故書音義

單音善為

于偽反

齊人執單伯注諸侯無執王使之義故不依行人例音

義

使所吏反

疏

正義曰諸侯執諸侯之大夫無罪則稱行人以見無罪之義王者之使不問有罪無罪諸

侯皆不得執之執之則為不臣以諸侯無執王使之義故單伯不依行人例言單伯身雖無罪不依使例故不

稱行人也諸侯不得執王使而諸侯之史得貶王使者  
史之所書周公定法已君有過猶尚書之王使有愆亦  
得貶也

齊人執子叔姬注叔姬魯女齊侯舍之母不稱夫人自

魯錄之父母辭疏

正義曰傳稱子叔姬妃齊昭公知舍之母也不稱夫人自魯錄之父母辭

亦不知是何公之女魯是其父母家不言文公是其父  
稱子叔姬者服云子殺身執閭之故言子為在室辭十  
二年子叔姬卒已被  
杞絕是並在室也

傳十四年春頃王崩周公閱與王孫蘇爭政故不赴  
凡崩薨不赴則不書禍福不告亦不書注奔亡禍也

歸復福也音義

頃音傾 閱音悅疏

正義曰因崩薨而言福則福亦崩薨之類福是反

禍者也福莫大於享國有家禍莫甚於亡家喪國禍亦崩薨之類相次之物且奔亡歸復其事多矣雖有出入之例未見不告之義此傳於崩薨之末言之故知奔亡是福歸復是福也懲不敬也注

欲使怠慢者戒音義

懲直升反

○邾文公之卒也注在前

年公使弔焉不敬邾人來討伐我南鄙故惠伯伐邾

○子叔姬妃齊昭公生舍叔姬無寵舍無威公子商

人驟施於國注驟數也商人桓公子音義

妃音配 本亦作配 驟

仕救反 施式 跂反 數音朔

而多聚士盡其家貸於公有司以繼之

注家財盡從公及國之有司富者貸

音義 盡車忍反 貸音待又

音忒 注同

夏五月昭公卒舍即位○邾文公元妃齊姜生

定公二妃晉姬生捷菑文公卒邾人立定公捷菑奔

晉○六月同盟于新城從于楚者服注從楚者陳鄭

宋且謀邾也注謀納捷菑○秋七月乙卯夜齊商人

弑舍而讓元注元商人兄齊惠公也書九月從告七

月無乙卯日誤音義

弑音試本又作殺

元曰爾求之久矣我

能事爾爾不可使多蓄憾注不爲君則恨多音義

蓄勅

六反本又作畜憾本又作憾戶暗反恨也

將免我乎爾爲之注言將復殺

我音義

復扶又反

疏

正義曰言爾已殺君矣我若爲君爾將肯放免我乎言將復殺我劉炫云

爾將免我爲君之事乎

○有星孛入于北斗周内史叔服曰不

出七年宋齊晉之君皆將死亂注後三年宋弑昭公

五年齊弑懿公七年晉弑靈公史服但言事徵而不

論其占固非末學所得詳言音義

弑音試下同

疏

正義曰昭十七

年傳申須云彗所以除舊布新也天事恒象又二十六年傳晏子曰天之有彗也以除穢也宋齊晉三國之君竝爲無道皆有穢德今彗出而彼死是除穢之事但未測何以知此三君當之史服但言事徵不言



其占非末學所得詳言  
故言其驗而不推其義  
○晉趙盾以諸侯之師八百

乘納捷菑于邾注八百乘六萬人言力有餘音義  
繩乘

證反邾人辭曰齊出糴且長注糴且定公音義  
糴俱

徐居碧反且子餘反宣子曰辭順而弗從不祥乃還  
長丁丈反下注同

注立適以長故曰辭順音義  
適丁○周公將與王孫

蘇訟于晉王叛王孫蘇注王匡王叛不與而使尹氏

與聃啟訟周公于晉注訟理之尹氏周卿士聃啟周

大夫音義  
聃乃趙宣子平王室而復之注使復和親

○楚莊王立注穆王子也子孔潘崇將襲羣舒使公

子燮與子儀守而伐舒蓼注即羣舒音義

變音協反守手又反

蓼音了二子作亂城郢而使賊殺子孔不克而還八月

二子以楚子出將加商密注國語曰楚莊王幼弱子

儀為師王子變為傅疏

正義曰按楚語蔡聲子云楚莊王方弱申公子儀父為師

王子變為傅使潘崇子孔帥師以伐舒燮及儀父施二帥而分其室師還至則以王如廬廬戢黎殺二子

而復

廬戢黎及叔麋誘之遂殺鬬克及公子燮注廬

今襄陽中廬縣戢黎廬大夫叔麋其佐鬬克子儀也

音義

廬力於反又音廬注同  
戰側立反廩九倫反

初鬬克囚于秦注在僖

二十五年秦有穀之敗注在僖三十三年而使歸求

成成而不得志注無賞報也公子變求令尹而不得

故二子作亂注傳言楚莊幼弱國內亂所以不能與

晉競○穆伯之從已氏也注在八年音義

已音紀  
又音祀

魯

人立文伯注穆伯之子穀也穆伯生二子于莒而求

復文伯以為請襄仲使無朝聽命復而不出注不得

使與聽政事終寢於家故出入不書音義

為請如字  
又于偽反

下以為請同十五年亦放此與音預

二年而盡室以復適莒文伯疾而

請曰穀之子弱注子孟獻子年尚少音義

盡津忍反復扶又反

少詩照反

請立難也注難穀弟音義

難乃多反又如字

許之文伯

卒立惠叔穆伯請重賂以求復惠叔以為請許之將

來九月卒于齊告喪請葬不許注請以卿禮葬○宋

高哀為蕭封人以為卿注蕭宋附庸仕附庸還升為

卿疏

正義曰蕭本宋邑莊十二年宋萬弑閔公蕭叔大心者宋蕭邑之大夫也平宋亂立桓公宋人

實其勞以蕭邑封叔為附庸莊二十三年蕭叔朝公是為附庸故稱朝附屬宋國故云宋附庸也宣十二

年楚子滅蕭此時蕭國仍在高哀  
仕於蕭國遂被拔擢升為宋卿  
不義宋公而出遂

來奔注出而待放從放所來故曰遂書曰宋子哀來

奔貴之也注貴其不食污君之祿避禍速也音義

汙

辱之也○齊人定懿公使來告難故書以九月注齊人

不服故三月而後定書以九月明經日月皆從赴音

義難乃疏

正義曰商人實以七月弑舍取其位而齊人未服三月而後定定訖始來告不告舍

死之月唯言商人弑舍魯史以其九月來告即書之於九月如此傳文告以九月即書九月明經之日月皆從赴而書非褒貶詳畧也杜言齊公子元不順懿此者排先儒言日月有褒貶之義

公之爲政也終不曰公曰夫已氏注猶言某甲音義

夫音扶

疏正義曰心惡其政不以為公凡與人言欲

已音紀

稱君者終不謂之為公曰夫已斥懿公之

名也劉云甲已俱是

名故云猶言某甲

○襄仲使告于王請以王寵求

昭姬于齊注昭姬子叔姬曰殺其子焉用母請受而

罪之音義

馬於虔反

冬單伯如齊請子叔姬齊人執之注

恨魯恃王勢以求女故又執子叔姬注欲以恥辱魯

經十有五年春季孫行父如晉

三月宋司馬華孫來盟注華孫奉使鄰國能臨事制宜

至魯而後定盟故不稱使其官皆從故稱司馬音義

華戶

化反使所吏疏正義曰成三年晉侯使荀庚來聘衛侯反從才用反使孫良夫來聘丙午及荀庚盟丁未及孫良夫盟彼先以君命行聘禮既而別與之盟故書聘又書盟此雖使來聘魯不令結盟故書盟未稱使也僖四年楚屈完來盟于師即其比也諸侯之卿例書名氏以華耦能率其屬官備禮盡儀故貴其人書其官也八年宋人殺其大夫司馬宋司城來奔唯言其官不言氏族此既書司馬復曰華孫者劉炫云或以爲華耦貴之既深故特書族案傳華耦魯人以為敏則君子不許是魯貴之不深蓋史有文質故辭有詳畧

## 夏曹伯來朝

齊人歸公孫敖之喪注大夫喪還不書善魯感子以赦

父敦公族之恩崇仁孝之教故特錄敦喪歸以示義疏  
正義曰桓十八年公之喪至自齊僖元年夫人氏之喪  
至自齊二注皆云告於廟也是公與夫人薨于外竟皆  
啟廟告至例書于策宣八年仲遂卒于垂成十七年公  
孫嬰齊卒于狸脈皆不書喪至是大夫喪還例不書此  
獨書齊人歸公孫敦之喪者釋例曰公孫敦教縱情棄命  
既已絕位非大夫也而備書於經者惠叔毀請於朝感  
子以敦父敦公族之恩崇仁孝之教故曰為孟氏且國  
故是也不言來者魯人取之齊人送之非有專使持來  
故不言來哀八年齊人歸讎及闡注云  
不言來命歸之無指使此亦彼之類也

六月辛丑朔日有食之鼓用牲于社注傳例曰非禮也

單伯至自齊



晉卻缺帥師伐蔡戊申入蔡注傳例曰獲大城曰入  
齊人侵我西鄙

季孫行父如晉

冬十有一月諸侯盟于扈注將伐齊晉侯受賂而止故  
摠曰諸侯言不足序列

十有二月齊人來歸子叔姬注齊人以王故來送子叔

姬故與直出者異文疏

正義曰傳例出曰來歸是直出之文也齊人以王之故來送叔

姬故與直出異文也使者卑微不可言齊侯使人故云  
齊人來歸九年齊人來歸僖公成風之祔定十年齊人

來歸鄆謹龜陰之田成九年晉人來媵之類  
皆是來者微賤不得稱君命故舉國稱人

齊侯侵我西鄙遂伐曹入其郛注郭郭也音義

郭音

傳十五年春季文子如晉爲單伯與子叔姬故也注

因晉請齊音義

爲于偽反下爲孟及下注爲惠叔皆同

○三月宋華耦

來盟其官皆從之書曰宋司馬華孫貴之也注古之

盟會必備威儀崇贊幣賓主以成禮為敬故傳曰卿  
行旅從春秋時率多不能備儀華孫能率其屬以從  
古典所以敬事而自重使重而事敬則魯尊而禮篤

故貴而不名音義

皆從才用反注旅從同又音如字

反疏

正義曰杜檢傳文諸言書曰者皆是仲尼新意此云其官皆從即云書曰司馬貴之明是貴其

官從故書其官也聘禮之文有上介衆介至所聘之國誓于其竟則史讀書司馬執策賈人拭玉有司展幣其從羣官多矣詩絲蠻之篇言大臣出行微臣隨從傳稱卿行旅從昭六年楚公子棄疾聘晉至於鄭竟而誓知其從人多矣盟會禮重於聘知古人盟會必備威儀崇贄幣賓之與主以成禮為敬故傳云其官皆從貴之也春秋之時率多不能備威儀故傳每言一介行李是也華孫今獨能率其官屬以從古典所以敬其君事而自鎮重也使人既重而承事恭敬則魯被尊而賓禮篤也奉使鄰國能尊重主厚禮是可貴之事故仲尼貴而不名至宴無故揚其先祖之罪為已謙辭是不敏之極魯人以為敏明君子所不與

言仲尼貴其官從君子嗤其失辭有善有惡傳兩舉之也釋例曰古之盟會必備禮儀示等威明貴賤各以成禮為節節制兼備則名位不愆華孫居授攘之世而能率由古典所以敬事而自重使重而事敬則魯尊而禮篤故貴之也至於宴會追稱先人之罪為已謙辭謙以失辭故傳云魯人以為敏明君子所不與也是故善惡兩舉之事也襄五年傳曰楚殺其大夫公子士夫貪也君子謂楚共王於是不刑言貪也罪壬夫不刑責共王亦是兩舉之文其事類於此也服虔云華耦為卿侈而不度以君命修好結盟舉其官屬從之空官廢職魯人不知其非反尊貴之其意以為貴之者魯人貴之非君子貴之案經儀父與魯結好子哀不義宋公司城效節來奔單伯自齊致命傳皆言書曰貴之實善而貴之也此亦云書曰司馬華孫貴之何故惡而貴之也劉炫又難云此為不知其非儀父豈亦魯不知其非而貴之乎孔子修春秋

裁其得失定其褒貶善惡彰於其篇臧否示於來世  
若魯人所善亦善之所惡亦惡之已無心於抑揚遂  
逐魯人之善惡筆削之勞何所施用約之以理豈其  
然哉其官皆從謂共聘之官無關當有留治政者豈  
舉朝盡行而責其空官也若以官從即責  
空官聘禮官屬不少豈周公妄制禮乎  
公與之宴

辭曰君之先臣督得罪於宋殤公名在諸侯之策臣

承其祀其敢辱君注耦華督曾孫也督弑殤公在桓

二年耦自以罪人子孫故不敢屈辱魯公對共宴會

請承命於亞旅注亞旅上大夫也音義

亞於疏正義  
嫁反疏曰尚

書牧誓武王呼羣官而誓曰司徒司馬司空亞旅孔  
安國云亞次也旅衆也衆大夫其位次卿成二年傳

魯賜晉三帥三命之服侯正亞旅受一命之服皆卿後即次亞旅知是上大夫也華孫不敢當君請受上

大夫魯人以為敏注無故揚其先祖之罪是不敏魯之宴

人以爲敏明君子所不與也疏

正義曰魯人魯鈍之人

○夏曹

伯來朝禮也諸侯五年再相朝以修王命古之制也

注十一年曹伯來朝雖至此乃來亦五年傳為冬齊

侯伐曹張本疏

正義曰周禮大行人云凡諸侯之邦交歲相問也殷相聘也世相朝也鄭

玄云父死子立曰世凡諸侯相朝皆小國朝於大國或敵國相為賓或彼君新立此往朝焉或此君新即位自往朝彼皆是世相朝也襄元年邾子來朝傳曰凡諸侯即位小國朝之是此新立而彼朝之也文九

年曹伯襄卒十一年曹伯來朝傳曰即位而來見也  
是彼新立而朝此也則知春秋之時猶有世相朝法  
與周禮合也周禮諸侯邦交唯有此法無五年再朝  
之制此云古之制也必是古有此法但禮文殘缺未  
知古是何時鄭玄云古者據今而述前代之言夏殷  
之時天子蓋六年一巡狩諸侯間而朝天子其不朝  
者朝罷朝五年再相朝者似如此然則古者據今時  
而道前世自不必皆道前代傳稱古者越國而謀非  
謂前代之人有此謀也古人有言非謂前代之人有  
此言也詩云我思古人非思夏殷之人也此云古者  
亦非必夏殷鄭言夏殷禮非也僖十五年公如齊杜  
云諸侯五年再相朝禮也引此證彼則是當時正法  
非謂前代禮也或人見僖公朝齊杜引此為證遂言  
五年再相朝是時霸主之法然則魯非霸主曹伯何  
以朝之曹豈推魯為霸主而屈已以朝之也且云古  
之制也即是古之聖王制為此法天子不衰諸侯無

霸明德天子豈慮世衰霸主威權不行而為之制此  
法毆諸侯以朝之此不達理之言耳然則諸侯之邦  
交者將以協近鄰結思好安社稷息民人土宇相望  
竟界連接一世一朝疎濶太甚其於閒暇之年必有  
相朝之法周禮言世相朝者以其一舊一新彼此未  
狎於此之際必須往朝舉其禮之大者不言唯有此  
事五年再相朝正是周禮之制周禮文不具耳文襄  
之霸其務不煩諸侯以五年再朝往來大數更制三  
年一聘五年一朝所以說諸侯也五年一朝者亦謂  
朝大國耳且彼因說弔葬非獨霸主之喪明使諸侯  
相共行此禮也霸主遭時制宜非能創制改物諸侯  
或從時令或率舊章此在文襄之後仍守舊制故五  
年再相朝也傳言古之制以文襄已改故也昭十二  
年歲聘問朝是周之諸侯朝天子之法故釋例引之  
云明王之制歲聘以志業以解朝聘之數尚書周官  
六年五服一朝孔傳云一朝會京師是再朝而會周



之正禮也。若然大行人云：侯服一歲，一見；甸服二歲，一見；男服三歲，一見；采服四歲，一見；衛服五歲，一見；要服六歲，一見；拘於服數。朝者，大行人所云：謂貢物而見，或君自至，或遣臣來，除此貢物之外，別有朝會之禮。沈氏以為諸侯五年再相朝，及昭十三年皆為朝。牧伯之法，以間朝以講禮，與再朝而會是三歲之朝。與六年之朝，大率言之，是五年之內再相朝也。但魯非曹之伯國，而沈云朝牧伯之禮，又昭十三年朝盟主之法，亦無明證。

○齊人或為孟氏謀，注孟氏公

孫教家慶父為長庶，故或稱孟氏疏。正義曰：公孫教慶父之子，杜以

慶父與莊公異母庶長，稱孟雖強同於適，自稱為仲，以其實是長庶，故時人或稱孟氏。曰魯爾

親也，飾棺寘諸堂。阜注堂，阜齊魯竟上地，飾棺不殯。

示無所歸音義

寘之豉反竟音境殯必刃反

疏

正義曰喪大記云飾棺君龍帷黼荒

火三列黻三列素錦褚加帷荒纁紐六大夫畫帷畫荒火三列黻三列素錦褚纁紐二玄紐二鄭玄云飾棺者以華道路及塋中不欲使衆惡其親也荒蒙也在旁曰帷在上曰荒皆所以衣柩也士布帷布荒君大夫加文章馬黼荒緣邊為黼文畫荒緣邊為雲氣火黻為列於其中耳褚以襯覆棺又加帷荒於其上紐所以連結帷荒者也禮之飾棺惟有此耳齊人教之飾棺蓋依此大夫之制而為之飾置諸堂阜故為不殯示無所歸冀魯人哀之也沈氏云飾棺即雜記云諸侯死於道其輅有襜緇布裳帷素錦以為屋而行大夫死於道以布為輅而行義或當然

魯必取之從之卞人以告注卞

人魯卞邑大夫音義

卞皮反疏正義曰治邑大夫例呼彥反疏為人孔子父為鄆邑大

夫謂之鄆人知此卞人是卞邑大夫其邑近堂阜故見之而告魯君惠叔猶毀以爲請

注教卒則惠叔請之至今期年而猶未已毀過喪禮

音義

期居正義曰教卒已向周年猶尚毀以爲請其反疏知教卒即請至今未已也傳言有毀是

不復應毀故知毀過喪禮也劉炫云教去年九月卒至今年夏據月未匝不得稱期年今知非者杜以傳云惠叔猶毀據日月之久欲盛言其遠故云期年但首尾二年亦得爲期年之義劉以未周十二月而規杜氏非也立於朝以待命許之取而殯之注殯於孟氏之

寢終叔服之言齊人送之書曰齊人歸公孫敖之喪

爲孟氏且國故也注爲惠叔毀請且國之公族故聽

其歸殯而書之音義

爲于  
僞反

葬視共仲注制如慶父皆

以罪降音義

共音  
恭

聲已不視帷堂而哭注聲已惠叔

母怨教從莒女故帷堂音義

已音  
紀

疏

正義曰檀弓云  
尸未設飾故帷

堂小歛而徹帷至大歛之節又帷堂以至於殯恒帷

堂雜記云朝夕哭則不帷今聲已恨穆伯故朝夕哭

仍帷堂檀公又云帷殯非古自敬姜之哭穆伯始也

與此相類也敬姜者穆伯妻又伯歆之母也穆伯季

悼子之子公甫

襄仲欲勿哭注怨教取其妻惠伯曰

靖與教非一人

喪親之終也注惠伯叔彭生雖不能始善終可也史

佚有言曰兄弟致美注各盡其美義乃終音義

佚音  
逸

救乏賀善弔災祭敬喪哀情雖不同毋絕其愛親之道也子無失道何怨於人襄仲說帥兄弟以哭之他

年其二子來注教在莒所生音義

母音無說音悅

疏

正義曰祭敬者

謂助祭於兄弟之家盡其敬也喪哀者謂兄弟死喪之事竭其哀也情雖不同謂內相怨恨情雖不能和

同當毋絕其愛是相親之道也

孟獻子愛之聞於國注獻子穀之子

仲孫蔑音義

聞音問或如字下同蔑亡結反

或諧之曰將殺子獻子

以告季文子二子曰夫子以愛我聞我以將殺子聞不亦遠於禮乎遠禮不如死一人門于句鮑一人門

于戾丘皆死注句鮑戾丘魯邑有寇攻門二子禦之

而死音義

遠于萬反下同句七侯反鮑又作罷莫幸反戾力計反

疏

正義曰句鮑戾丘有

寇攻門不書者服虔云魯國中小寇非異國侵伐故不書也

○六月辛丑朔日有

食之鼓用牲于社非禮也注得常鼓之月而於社用

牲爲非禮疏

正義曰此與莊二十五年經文正同彼傳云非常此傳云非禮者彼失常鼓之

月言鼓之爲非常此得常鼓之月而用牲爲非禮彼云六月實是七月傳因日月之變以起時歷之誤故釋例曰文十五年與莊二十五年經文皆同而更復發傳曰非禮者明前傳欲以審正陽之月後傳發例欲以明諸侯之禮而用牲爲非禮也此乃聖賢日有之微旨而先儒所未喻也是解二傳不同之意

食之天子不舉注去盛饌音義

去起呂反  
饌仕眷反  
正義曰

夫掌王之食飲膳羞以養王及后世子王日一舉鼎  
十有二物皆有俎天地有災則不舉鄭玄云殺牲盛  
饌曰舉今云天子不舉  
是去盛饌貶膳食也

伐鼓于社注責羣陰伐猶擊

也疏

正義曰郊特牲云社祭土而主陰氣也君南鄉  
於北墉下答陰之義也論語云鳴鼓而攻之伐

鼓者是攻責之事故云責羣陰也日食者陰侵陽故  
責陰以救日孔安國尚書傳云凡日食天子伐鼓于  
社責上公然則社以上公配食天子伐鼓責羣陰亦  
以責上公也諸侯用幣于社請上公亦以請羣陰也  
互相諸侯用幣于社注社尊于諸侯故請救而不敢

責之疏

正義曰昭二十九年傳曰封為上公祀為貴  
神社稷五祀是尊是奉是社為上公之神尊

於諸侯禮用幣者皆是告請神明之事以社尊故用幣請救而不敢攻責也陰侵陽而請陰者請止而勿侵陽也

伐鼓于朝注退自責以昭事神訓民事君注天

子不舉諸侯用幣所以事神尊卑異制所以訓民疏

正義曰天子不舉自貶食耳而以為事神者畏敬神明乃自貶損徹膳不舉亦是事神之義故通以不舉為事神也示有等威古之道也注等威威儀之等差音義

差初佳反  
又初宜反

○齊人許單伯請而赦之使來致命注以

單伯執節不移且畏晉故許之書曰單伯至自齊貴

之也注單伯為魯拘執既免而不廢禮終來致命故



貴而告廟音義

爲于偽反下似爲同拘音俱

○新城之盟注在前

年蔡人不與注不會盟音義

與音預下同

晉郤缺以上軍

下軍伐蔡注兼帥二軍曰軍弱不可以怠注怠解也

音義

解佳賣反

戊申入蔡以城下之盟而還凡勝國曰滅

之注勝國絕其社稷有其土地音義

還音旋

獲大城焉

曰入之注得大都而不有疏

正義曰此傳已發凡例襄十三年復發傳云用

大師曰滅弗地曰入再發例者兵之所加不可細舉故舉舊策之典以例而言用大師起大衆重力以陷敵因而有之故曰勝國通以滅為文也以成師重力雖獲大城得而弗有故直以出入為辭曰入之而已

城不包地國不通邑滅邑必主大師是故再發例也

○秋齊人侵我西鄙故季

文子告于晉○冬十一月晉侯宋公衛侯蔡侯鄭伯

許男曹伯盟于扈尋新城之盟且謀伐齊也注齊執

王使且數伐魯音義

使所吏反下王使同數音朔

齊人賂晉侯故

不克而還於是有齊難是以公不會注明今不序諸

侯不以公不會故音義

難乃旦反下注同

書曰諸侯盟于扈

無能為故也注惡其受賂不能討齊音義

惡烏路反

凡諸

侯會公不與不書諱君惡也注謂國無難不會議事

故為惡不書謂不國別序諸侯與而不書後也注謂

後期也今貶諸侯以為公諱故傳發例以明之音義

為于疏正義曰七年公會諸侯晉大夫盟于扈傳曰偽反

公後至故不書所會因發例云凡諸侯不書

所會後也後至不書其國辟不敏也彼乃議事而君

後期諱君之惡故摠稱諸侯此亦摠稱諸侯不會非

公之罪而經文相似傳辯諸嫌故更復發例而以善

形惡凡諸侯為議事聚會而公不與則不歷書諸國

諱君惡也若公實預會而亦不書諸國為公後期也

即七年扈之盟是也今與此會受賂舍罪致使魯有

齊患公雖不與非公之罪經與後期文同似為公

諱故傳發例以明之此會公雖不與非公惡也○

齊人來歸子叔姬王故也注單伯雖見執能守節不

移終達王命使叔姬得歸○齊侯侵我西鄙謂諸侯

不能也注不能討已遂伐曹入其郭討其來朝也注

此言夏朝季文子曰齊侯其不免乎已則無禮注執

王使而伐無罪音義

已音紀使所吏反

而討於有禮者曰女

何故行禮禮以順天天之道也已則反天而又以討

人難以免矣詩曰胡不相畏不畏于天注詩小雅音

義

女音汝相息亮反又如字

疏

正義曰言曰者原齊侯之意而爲之辭也責曹曰女何故行禮謂責

於朝魯也天道以卑承尊人道以小事大禮者自卑而尊人朝者謙順以行禮行禮以順天是天之道也

○此詩小雅雨無正之篇胡何也詩人責朝廷之臣女羣臣上下何以不相畏乎女上下不相畏乃是不畏于天也

君子之不虐幼賤畏于天也在周頌曰畏天之威于時保之注詩周頌言畏天威于是保福祿不畏于天將何能保以亂取國奉禮以守猶懼不終多行無禮弗能在矣注爲十八年齊弑商人傳音義

守手又反

春秋左傳注疏卷十九

春秋左傳注疏卷十九考證

叔仲彭生會晉郤缺于承筐音義叔又作州○

臣浩按

叔又作州四字疑衍

叔孫得臣敗狄于鹹注鹹魯地○

臣召南

按杜顯言魯

地以異于僖十三年齊桓會諸侯之鹹也

傳潘崇復伐麋至于錫穴○

臣召南

按地理志漢中郡

錫縣注應邵曰音陽師古曰即春秋所謂錫穴

傳齊襄公之二年注魯桓之十六年○

臣召南

按史記

魯世家曰齊惠公二年鄭瞞伐齊齊王子城父獲其弟榮如埋其首于北門裴駘集解曰按年表齊惠公二年魯宣公之二年也史記于此事全用左傳首尾而以爲惠公二年事則異矣

季孫行父帥師城諸及鄆注鄆莒魯所爭者○臣召南按魯地名鄆者有二此年季孫所城東鄆也與莒分界今沂水縣北之團城是成四年城鄆以備晉及昭公所居此西鄆也今鄆城縣東有故城



傳且請絕叔姬注未歸而卒○歸監本訛作筭今改正  
傳羣舒叛楚○臣浩按魯頌曰荆舒是懲傳于此言叛  
楚則知從前結連比附之日久矣

傳秦伯使西乞術來聘○臣召南按劉敞曰內大夫未

賜族者猶不氏安知此術非未賜族者乎按西乞術  
于戰殽時已氏西乞則杜注所云術不稱氏史略文  
未可駁也

傳寡君敢辭玉○趙汭補注曰聘義以圭璋聘重禮也

已聘而還圭璋此輕財而重禮之義也然則禮終必還玉非不欲與秦為好也傳錄賓主辭令以見秦人之進于禮下云國無陋矣是也杜說非

又疏其意欲致與主國且受之而襄仲辭之者為不欲與秦為好因謙退辭還也○監本訛作且主之且襄仲辭之者為不欲與秦為好國謙退禮終還訛謬不可斷句今訂正

傳其處者為劉氏○臣召南按孔氏疑此文為漢儒所

加不易之論也

邾人伐我南鄙叔彭生帥師伐邾○臣浩按叔彭生即

十一年會卻缺于承筐之叔仲彭生也陸氏謂仲衍  
字觀此經殆信

傳宋華耦來盟其官皆從之書曰宋司馬華孫貴之也

○葉夢得曰諸侯相聘使介有常不聞其官皆從也  
以此為貴豈春秋之意哉趙汭補注曰華孫公子鮑  
之黨來盟蓋結魯以輔篡不稱使不名者非時君所

使無所受命從史文也書官者夫子特筆使與八年之書官者相首尾以異其事左氏於筆削之旨無傳惟穀梁傳曰以其官稱無君之辭也惜為其學者不能發明

傳諸侯五年再相朝以修王命古之制也○劉敞曰尚書周官六年五服一朝不得於諸侯亦五年一朝也大行人職曰凡諸侯邦交歲相問殷相聘世相朝此為得中趙汭補注曰曹伯以文十一年來朝至十五

年再來偶合五年之數傳遂以爲古制由不見周禮  
耳

春秋左傳注疏卷十九考證

謹按第八頁後二行女未笄而卒不書刊本監本

毛本笄訛嫁今據宋本改

第九頁前三行凡四器圭唯其所寶諸本圭訛者

據宋本改

第十頁前八行注代步招刊本招訛昭音義同並

據宋本改

第十三頁前八行則此室是室之最大者諸本則

訛言據宋本改

第二十一頁後二行書其字者諸本者訛云據宋本改

第二十九頁前六行故傳每言一介行李是也諸本介訛个今據宋本改

第三十五頁前四行君南鄉於北墉下諸本墉訛墉據宋本改





覆校官編修臣張秉愚

校對官修撰臣張書勲

謄錄監生臣徐士俊